



# შირაკი

## SHIRAKI

გამოცემის მე-80 წელი

გამოცემის 1937 წლიდან  
დედოფლისწყაროს მუნიციპალიტეტის გაზეთი

№28 (9.790)

22 - 29 ივლისი 2017 წელი  
ფასი: 50 თეთრი  
ყოველკვირეული გამოცემა

## სარწყავი სისტემა — სოფლის გადასარჩენად



მ 3 . 3



მ 3 . 8

### ლადოს პარსკვლავი



მ 3 . 4

### ზოლიანი საწამლავი

## „ერთი დღე სოფელში“ ეჩივებთან ერთად



მ 3 . 6



მ 3 . 5

### ფერმაში მკვდარი ახალშობილი იბოვეს

## ელვას ტაძრის რეაბილიტაცია დაიწყო



მ 3 . 2

## უფასო სკრინინგი

ყურადღება! გაცნობებთ, რომ:  
დედოფლისწყაროს მუნიციპალიტეტის საზოგადოებრივი ჯანმრთელობის დაცვის ცენტრში 2017 წლის 25 ივლისს ტარდება მოსახლეობის უფასო გამოკვლევები **C** ჰეპატიტიზე. **C** ჰეპატიტის ვირუსის საინაარმდეგო ანტისხეულების განსაზღვრა ხდება მარტივი ტესტირებით და არაუგვიანეს 15 წუთში ცნობილია კვლევის შედეგი.  
**C** ჰეპატიტის სკრინინგი ჩატარდება დედოფლისწყაროს მუნიციპალიტეტის საზოგადოებრივი ჯანმრთელობის დაცვის ცენტრში.  
მის: ქ. დედოფლისწყარო, რუსთაველის ქ №20 (ყოფილი პროკურატურის შენობა)  
დედოფლისწყაროს მუნიციპალიტეტის საზოგადოებრივი ჯანმრთელობის დაცვის ცენტრი.



# ჩვენი სკოლა თანდათან კონსერვირებული ხდება

დედოფლისწყაროს რესურსცენტრის უფროსთან ერთად დავითაშვილთან ერთად შეხვედრისას საუბარი შეეხო სკოლების წარმატებულ დირექტორებს, რომელთა შორის სამრეკლოს საჯარო სკოლის დირექტორი ნანა ჭილატაშვილიც დასახელდა. ქალბატონი ნანა განათლების სფეროს დიდი ხნის თანამშრომელია, აქვს მდიდარი გამოცდილება როგორც სპეციალისტის (სიქიმოკოსი გახლავთ) და როგორც დირექტორს. სულ მუდამ ენერგიული, შემართებული, საქმიანი და ახალ-ახალი იდეებით გამოირჩეოდა. ამიტომაც მისი წარმატებული საქმიანობა ლოგიკურიცაა. და აი, ჩვენ სამრეკლოს საჯარო სკოლაში ვიმყოფებით. დიდი ხანია, ამ სკოლაში აღარ ვყოფილვარ

ეს იმას ნიშნავს, რომ სკოლა, თანდათან, კონსერვირებული ხდება, რაც ჩვენ მეტ პასუხისმგებლობას გვავალებს.

**- იქნებ გითხრათ, რა წარმატებული პროექტები განხორციელდა ამ სასწავლო წელს?**

- მუდმივად ვგრძნობ განათლების და მეცნიერების სამინისტროს და ჩვენი რესურსცენტრის უფროსის ერთ-ერთი ვითარების მხარში დგომას. 2016 წლის თებერვლიდან დაიწყო სარემონტო სამუშაოები ინფრასტრუქტურის სააგენტოდან ჩარიცხული თანხით, რითაც დამონტაჟდა ცენტრალური გათბობა, რეაბილიტირდა შესასვლელი ფოიე და გაკეთდა შიდა ეზოში ბუნებრივი ნალექებისთვის სარი-



და სასამართლოდ გაოცებული დავრჩი, იმდენი თვალმისაცემი ინფრასტრუქტურული სიახლე დამხვდა, მახსოვს ათეულწლებით ჩანგრეული ფოიე, რომელიც ახლა ფილემით ისეა მოპირკეთებული, შესვლისთანავე სიმშვიდე დაგეუფლებათ. შენობის შუაგულში მოქცეული შიდა ეზო, ჭერიდან ჩამონადენი ბუნებრივი ნალექით სულ მუდამ საფრთხეს უქმნიდა საძირკვეს. ახლა აქ კაპიტალური სარინგელია მოწყობილი, რომლის მეშვეობითაც წყალი იკრებიდა და სკოლის გარეთ მიმდებარე ტერიტორიაზე - ხევში მიედინება. ამან შენობის მდგრადობას ძალიან შეუწყო ხელი. დამონტაჟებულია ცენტრალური გათბობა, კარ-ფანჯარა სულ შეცვლილია მეტალო-პლასტმასით, იატაკები და ჭერი ნორმალურ მდგომარეობაშია, აქვე მდიდარი ბიბლიოთეკა, ლაბორატორიები. ასე რომ, აქ არსებობს საიმისო პირობები, რომ წარმატებულად იშრომონ და შედეგებიც დადონ.

**- ქალბატონი ნანა, როგორ პირობებში გინვეთ მუშაობა და როგორი შედეგებით დაამთავრეთ ეს სასწავლო წელი?**

- ჩემს ამ სკოლაში დირექტორად დანიშნვას გარკვეული წინააღმდეგობები შეხვდა: - კოლექტივი ორად იყო გახლეჩილი, მაგრამ ყველაფერი ძალიან მალე დალაგდა. სიმართლე გითხრათ, არც მეგონა, თუ სოფელში ასეთი კვალიფიკაციური პედაგოგიური გუნდა და სწავლაზე ორიენტირებული მოსწავლეები და მოძობები იქნებოდნენ. მათი ერთადერთი მიზანი და ამოცანაა, მყარი ცოდნის მიღება. გადაუჭარბებლად შემიძლია ვთქვა, რომ ჩვენი სკოლა ზრდის ისეთ ახალგაზრდას, რომელიც ჯანსაღი კონსერვირების პირობებში სათანადო ადგილს მონახავს საზოგადოებაში. დღეისთვის სკოლას მხოლოდ 8 უფროსი, ანუ სურთიფიცირებული მასწავლებელი ჰყავს, რაც ჩვენ არ გვაკმაყოფილებს. მათი რიცხვი აუცილებლად გაიზარდება, ხოლო რაც შეეხება წლებად შედეგებს, 21 მეთორმეტეკლასილიდან 17-მა გადალახა ბარიერი. 4 მოსწავლე ჩაიჭრა და იმ თორმეტკლასიან ბავშვს შორის აღმოჩნდა, რომელიც საჯარო სკოლებს შავ ლაქად ატყვია. თუმცა, მინდა განვმარტო, რომ ჩვენს კონსერვირებულ შემთხვევაში ოთხმა ბიჭმა ვერ დაძლია ბარიერი ერთ საგანში - ეს არის ფიზიკა. სამუხაროდ ეს ის ბავშვები არიან რომელთა ოჯახებიც სოციალურად დაუცველები არიან და მათ ოჯახის სარჩენად ხშირად უწევთ გაკვეთილების გაცდენა, რათა დღიური სამუშაოთი დაკავდნენ და ოჯახს ეკონომიურად შეეხიდიონ. ფიზიკა კი, მოგესხენებათ, როგორც ყველაზე რთული ტექნიკური საგანი, ზედნაშენია და თუ თანმიმდევრულად არ სწავლობ, კონტექსტიდან ამოგლეჯილად მისი სწავლა, თითქმის, შეუძლებელია. სწორედ ამ გაცდენებმა და მათმა სოციალურმა ფონმა განაპირობა ეს მარცხი. 17 კურსდამთავრებულიდან სამი ოქროსმედალოსანია: დავით ბოსტოლანაშვილი, თამარ ალადაშვილი და გოდერძი სიმონიძე. საერთოდ, სკოლაში ამჟამად 201 ბავშვი ირიცხება. შეინიშნება მოსწავლეთა შემოდინება, ზოგი წასული ბავშვი ბრუნდება, ზოგიც ახალი გვემატება.

წელი. სკოლა ჩართულია სამოქალაქო განათლების პროექტში „მომავლის თაობა“. ამ პროგრამის ფარგლებში სკოლაში მოიგო მცირე გრანტი „ნიგნიერი თაობა“ 450 დოლარის ოდენობით, რითაც შევიძინეთ ძალიან საინტერესო და სკოლისთვის საჭირო ნივთები და კარადა. გაკეთდა ამ გრანტის სპეციალური კუთხე, რომელიც უაღრესად საინტერესოა, როგორც თემატურად, ისე ვიზუალურად. ეს გრანტი მეთექვსმეტეკლასიან მოსწავლეებთან ერთად მოიგო სამოქალაქო განათლების პედაგოგმა რუსუდან ნატროშვილმა, რომელიც მერჩეულია კახეთის რეგიონის წარმატებულ პედაგოგთა შორის. ის მონაწილეობდა საზაფხულო ბანაკ „ბაკურიანი-2017“-ის მუშაობაში, სადაც ბევრი სიახლის შესახებ მიიღო ინფორმაცია, რასაც პრაქტიკულად გამოიყენებს მომავალში.

სამოქალაქო განათლების ოლიმპიადის ფინალში მიიღო მონაწილეობა მეთორმეტეკლასიელმა დავით ბოსტოლანაშვილმა, რომლის დაჯილდოვება ბიბლიოთეკის მალაზიების ქსელის ვაუჩერით და სხვა ფასიანი საჩუქრებით.

მეთექვსმეტეკლასიელი ანა ჩითილაშვილი წარმატებით გადავიდა ფლექსის ოლიმპიადის ფინალში, რომელიც ჩატარდება მომავალი სასწავლო წლის სექტემბერში და რომელიც ითვლისწინებს გაცვლით პროგრამას ამერიკის შეერთებულ შტატებში 1 წლის სწავლის ვადით.

მოსწავლეთა რესპუბლიკურ შემოქმედებით კონფერენციაზე კვლავ მეთექვსმეტეკლასიელმა თამარ ჯეთერიშვილმა თემისთვის „ვამოგვანი დედოფლისწყაროს სავიზიტო ბარათია“ დაიმსახურა საპატიო სიგელი. მისი ნამუშევარი ას საუკეთესო ნამუშევარს შორის შეირჩა. თემის ხელმძღვანელი იყო გეოგრაფიის პედაგოგი ელენე ზედელაშვილი. მაღლობა მას.

არასამთავრობო ორგანიზაციის „დემოკრატიის ლაბორატორია“ მიერ გამოცხადებულ კონკურსში „მე და კონსტიტუცია“ მეცხრეკლასიელი მოსწავლეების მიერ მომზადებულმა ვიდეორგოლმა მესამე საპრიზო ადგილი მოიპოვა.

სკოლაში პედაგოგ თამარ ყოჩიაშვილის ხელმძღვანელობით, მონაწილეობა მიიღო „თავისუფალი გაკვეთილების“ საგრანტო კონკურსში „მე და ხელისუფლება“ და მოიგო 600 ლარი. გრანტის მიზანი იყო თქვის ხელოვნების გაცნობა, მეორადი ნივთებისთვის ახალი სიცოცხლის დაბრუნება, ხელნაკეთი ბლოკნოტებისა და ნივთების გაკეთება. პროექტმა ბავშვების დიდი დაინტერესება გამოიწვია, რადგან სოფლის პირობებში ეს ცოტა იშვიათი სიახლეა. ამასთან, თვითონ პედაგოგი თამარ ყოჩიაშვილი არის უაღრესად დიდი ფანტაზიის და შემოქმედებითი ნიჭის მქონე, დაუზარელი და ენთუზიაზმით სავსე პიროვნება, რამაც დიდი მოტივაცია მისცა ბავშვებს და ისინი აქტიურად ჩაერთვნენ ამ საქმიანობაში.

მინდა გითხრათ, რომ ჩვენმა სამმა მეთორმეტეკლასიელმა თინათინ აჩელაშვილმა, სალომე სიმონიძემ და ნათია იაკობიშვილმა წარმატებით დაძლია საბაზო საფეხური

პროგრამით „ჩემი პირველი კომპიუტერი“ და საჩუქრად მიიღო კომპიუტერები.

მედიაპროექტ „ეტალონი“ ჩვენი მეთორმეტე კლასის მოსწავლე ზაქარია მეტედიშვილი გახდა „რაიონის ეტალონი“ ტიტულის მფლობელი და 24 ივნისს მონაწილეობა მიიღო ბათუმში გამართულ „ეტალონი“ ფინალურ კონკურსში, სადაც, მართალია, სულ რამოდენიმე წამით ჩამორჩა მეტედიშვილმა ვერ მოიპოვა, მაგრამ შესანიშნავად იასპარეზა. ამ კონკურსში მონაწილეობისთვის თანაკლასელებთან, მშობლებთან, კლასის დამრიგებელთან და სკოლის დირექტორთან ერთად ბათუმში გამგზავრება უზრუნველყო მუნიციპალიტეტის გამგებელმა ნიკოლოზ ჯანიაშვილმა შესაბამის ორგანიზაციებთან ერთად, რისთვისაც დიდ მადლობას ვუხდით ყველა მათგანს. ფაქტურად, ეს იყო გამგებობის საჩუქარი ზაქარია მეტედიშვილისთვის, რომელმაც ცოდნის მაღალი დონე აჩვენა „ეტალონი“.

ამ დღეებში თქვენ თავად შეხვდით ჩვენს ერთ-ერთ წარმატებულ მოსწავლეს, 12 წლის ნიკოლოზ ბოსტოლანაშვილს და გაცანით მის მიღწევებს. ნიკოლოზი ნამდვილად არის გამორჩეული ნიჭის, ენერჯის და მონდომების ბავშვი, რომელზეც დიდ იმედებს ვამყარებთ.

**- გამარჯვებული და შესასრულებელი პროექტები თუ გაქვთ?**

- აუცილებლად უნდა შეჩერდეთ 2.500 დოლარიან გრანტზე, რომელიც მშვიდობის კორპუსის მოხალისემ, ამერიკელმა ქელი ბრაშევიკომ მოიგო. გრანტი სკოლაში უცხო ენის კაბინეტის მოწყობისთვის არის განკუთვნილი. ქელი, თითქმის ერთი წელია, ჩვენს სოფელში ცხოვრობს, სკოლაში კონსულტანტის მოვალეობას ასრულებს ინგლისური ენის სწავლების საკითხებში. ის ძალიან კარგად შეეწყოს სოფელსაც და სკოლასაც. თვითონაც კმაყოფილია და ჩვენც. რაც შეეხება კაბინეტის მოწყობის საშუალებებს, ივლის-აგვისტოს თვეებში ჩატარდება და ახალი სასწავლო წლისთვის მზად იქნება.

ტენდერი გვაქვს გამოცხადებული 41.700 ლარზე, რომელიც მოხმარდება ეზოში ახალი, თანამედროვე სტანდარტების ტუალეტების მოწყობას. აგრეთვე, ღია, ხელოვნურსაფარიანი სპორტული მოედნის გაკეთებას, რადგან, მოგესხენებათ, სკოლა ხევის პირასაა აშენებული, მასზე შემდგომში სპორტული დარბაზისთვის მიმდებარე ფლიგელი არამდგრადია მცოცარი ქანების გამო და მისი რეაბილიტაცია არ ხერხდება. ამავდროულად შეიცვლება სკოლის წინა აფრა, სკოლის გარშემო, ისე, როგორც შიდა ეზოშია, მოწყობა სარინგელი ბუნებრივი ნალექებისაგან შენობის საძირკვის დასაცავად. რეაბილიტაცია საუბარდება შესასვლელ კიბეებს, სადაც ადაფტირებული ფიზიკური გარემოს შექმნის მიზნით, დამონტაჟდება აშენი მექანიზმი, ანუ ლიფტი.

**ახლა დიდი ყურადღება ეთმობა ინკლუზიურ სწავლებას. რა მდგომარეობაა თქვენთან?**

- მულტიდისციპლინარული გუნდის მიერ ჩვენთან შეფასებულია სპეციალური საჭიროების მქონე სამი მოსწავლე. მათთან მუშაობს სპეციალური დახმარების ლაივ ნატროშვილი. ამ სამი მოსწავლისათვის ყველა საგნის მასწავლებელს, ლაივ მასწავლებელთან ერთად, შემუშავებული აქვთ ინდივიდუალური სასწავლო გეგმები და, მიუხედავად იმისა, რომ მათ აქვთ ძალიან კარგად მოწყობილი და სპეციალური საჭიროებები ალტერნატიული რესურსოთახი, ისინი სრულად არიან ადაფტირებული მთელ სკოლასთან და სასწავლო პროცესთან, რასაც სათანადო შედეგები ნამდვილად მოსდევს. ძალიან კარგი შედეგი ჰქონდა სოფელ ხორნაბუჯის სპეციალური სკოლის ფანა ბაბაიანის ინიციატივით მოწყობილი ერთობლივი ექსკურსიას, რომელმაც ბავშვები უფრო მეტად გახსნა და გაახალისა. ამისათვის მადლობა ქალბატონ ფანას და რაიონის ხელმძღვანელობას, რომელმაც ეს სისხარული აჩუქა ამ ბავშვებს.

**- მომავალ სასწავლო წლამდე სულ რაღაც ორიოდე თვეა დარჩენილი. თქვენ წინ დიდი სამუშაოები გაქვთ შესასრულებელი, წარმატებებს გისურვებთ.**


- გამაღობთ, ვეცდებით, ვადებში ჩავეტოთ და, საერთოდაც, სრულად დავიხარჯოთ იმისთვის, რომ ამ ახალ გარემოში, ინტერნეტ შემოტევის ფონზე, გავზარდოთ ნიგნიერი, მცოდნე და პერსპექტიული ახალგაზრდები. ჩენი მიმართულება, ისე როგორც მთლიანად განათლების სისტე-



მისა, მიმართულია იქით, რომ ბავშვებს, რომლებსაც არ აქვთ სწავლის პირობები ან შესაბამისი უნარები, ვურჩიოთ მიიღონ სპეციალური განათლება კოლეჯებში, რაც უფრო მეტად გამოსაყენებელი და შრომითი დასაქმებისთვის მომზადებული იქნება მათთვის. ეს იქნება ერთი გზა, რათა თავიდან ავიცილოთ ისეთი სირცხვილი, რომელიც ამ დღეებში ინტერნეტით გავრცელებულმა ეროვნული გამოცდების ქართულ ლიტერატურაში გამოქვეყნებულმა სრულმა უცოდინრობამ განმაცდევინა, როცა ვიგებთ, რომ საჯარო სკოლის კურსდამთავრებულმა დაწერა: „რუსთაველი იყო თამარ მეფის ჭურჭლის განმკარგველები, ცხოვრობდა რუსთაველში და ქალაქს განაგებდაო“, ან „თურგდალულები“ იყვნენ ისინი, ვინც თერგის წყალი შემთხვევით გადაეცაპაო“ და სხვა მრავალი, გულდასაწყვეტი ფრაზა, რომელიც სატირალია, სასაცილო რომ არ იყოს. საჯარო სკოლებმა, განათლების სამინისტროსთან და ხელისუფლებასთან ერთად, უნდა იზრუნონ განათლების უფრო მაღალი ხარისხისთვის.

ესაუბრა ნანა გორაშვილი.

## ელიას ტაძრის რეაბილიტაცია დაიწყო



19 ივლისს დედოფლისწყაროს მუნიციპალიტეტის გამგებელმა ნიკოლოზ ჯანიაშვილმა ადგილზე მოინახულა წინასწარმეტყველ ელია თეზბიტელის ტაძრის განმენდილი სამუშაოები. გაცნობებით, რომ ხდება ტაძრის ლოდინა და ქვებისგან განმენდილი განმენდილი სამუშაოები ამ დროისთვის აქტიურად მიმდინარეობს და ელიასობის ბრწყინვალე დღესასწაულისთვის ყველა მომლოცველს შეეძლება ტაძართან უსაფრთხოდ მისვლა. შეგახსენებთ, გასული წლის ზამთარში ლოდის ჩამოგარდნის გამო ტაძარი დაზიანდა რის გამოც მასთან მიახლოება აკრძალული იყო. პროცესს კულტურული მემკვიდრეობის სააგენტოს სპეციალისტები აკვირდებიან.





მომხმარებელთა უფლებადამცველი ერთ-ერთი ორგანიზაციის კვლევით დადასტურდა, რომ პროდუქტში ნიტრატების დონე საშიშ ზღვარზეა. როგორც აღმოჩნდა, ბაზარზე წარმოდგენილი პროდუქტების თითქმის ნახევარი ნიტრატების საშიშ რაოდენობას შეიცავს, საზამთრო და ვაშლატამა ქიმიკატებით არის გაჯერებული. ამ მხრივ განსაკუთრებით საშიშია საზამთრო, რომელშიც ნიტრატების შემცველობა დასაშვებ ნორმას სამჯერ აღემატება. დაახლოებით ამდენივეა შხამქიმიკატის რაოდენობა ვაშლატამაში. რაც შეეხება ბოსტნეულს, ამ მხრივ საფრთხე განსაკუთრებით პომიდორს უკავშირდება, ხოლო კარტოფილსა და ხახვში ნიტრატების შემცველობა ნორმის ფარგლებშია.

ასეთი კვლევის შედეგი, რომელიც არასამთავრობო ორგანიზაცია "ეტეკმა" განახორციელა. ორგანიზაციის ხელმძღვანელი ამირან შენგელია ამბობს, რომ ხილ-ბოსტნეულის ხარისხის კონტროლი სახელმწიფოს მხრიდან გასაძლიერებელია. "იმპორტული და ადგილობრივი ხილ-ბოსტნეული ნიტრატებით არის გაჯერებული, განსაკუთრებით საზამთრო და ვაშლატამა, რომლებიც მასობრივად სხვადასხვა სახის ნიტრატს საშიშ დოზით შეიცავს. როდეს-

# ზოლიანი საწამლაგი

ქართულ ბაზარზე ნიტრატებით გაჯერებული ხილ-ბოსტნეული იყიდება

აც ჩავატარეთ კვლევა და ხილ-ბოსტნეულში ნიტრატების დონე გაჯერებული (დასაშვებზე 3-ჯერ მეტი), სასწრაფოდ მიმართეთ საავადმყოფოებს, რათა გაგვერკვია, არის თუ არა მონამვლის ფაქტები. სიმართლე გითხრათ, გავოგნდით, როცა შევითვით, რომ მიმდინარე პერიოდში მსგავსი შემთხვევები ნაკლებადაა. ჩემი აზრით, ადამიანები თვითნებურად მკურნალობენ. სანამ ძალიან ცუდად არ გახდება, ექიმთან არაფერს მიდის.

სამომხმარებლო ბაზრებზე რეალობა ძალიან მძიმეა. როგორც წესი, ნიტრატებიანი პროდუქტი ძალიან მალე ლევა და მოვაჭრეებიც ხილის სწრაფად ამოყიდვასა და თავიდან მოშორებას ცდილობენ. თუკი ბუნებრივად პროდუქტის დამწიფებას 1 კვირა სჭირდება,

იგივე სიტუაციაა", - აცხადებს შენგელია და რეალიზაციის ნესტთან დაკავშირებულ დარღვევებზეც საუბრობს.

კატეგორიულად არ შეიძლება, ხილ-ბოსტნეული მანქანის სავალ ნაწილზე იყიდებოდეს. მომხმარებელს ვართ, რომ საზამთროსა და ნესტს პირდაპირ გზის ნაწილზე ყიდონ. რეალიზაციასაც თავისი ნესტი აქვს. ყველა უყურებს, როგორ გამოიყურება ხილი ვიზუალურად და შემცველობაზე ნაკლებად ფიქრობენ. ამასობაში კი ადამიანები ინაშლებიან. შეიძლება ადამიანი საკვების მიღების დროს არ მოინაშლოს, მაგრამ გრძელვადიან პერიოდში საფრთხე განსაკუთრებით დიდია. ნიტრატების შემცველობა ჯანმრთელობაზე ძალიან ცუდ გავლენას ახდენს. ამიტომ ბაზრის ტერიტორიებზე უკლებლივ ყველა პროდუქტი უნდა მონმდებოდეს", - ამბობს შენგელია.

როგორც სპეციალისტები განმარტავენ, ნიტრატების მაღალი შემცველობა აზიანებს ადამიანის ჯანმრთელობას - შლის იმუნურ

სისტემას, რის შედეგადაც ორგანიზმში მთელი რიგი დაავადებები ვითარდება.

ნიტრატებით გაჯერებული პროდუქტის მავნელობაზე საუბრობს ტექნიკური უნივერსიტეტის ასოცირებული პროფესორი ლია კვარაცხელია.

"საფრთხე ძალიან დიდია, ამიტომ მნიშვნელოვანი საკითხია, რამდენად არის ეს პრობლემა მარეგულირებელი ორგანიზაციის მიერ შესწავლილი. რამდენადც ვიცო, ხილისა და ბოსტნეულის ხარისხის შესწავლა არ ხდება. ამასობაში კი ნიტრატების მაღალი შემცველობა



ბის გამო ორგანიზმში მთელი რიგი დაავადებები ვითარდება. აღსანიშნავია, რომ ხშირად მათ სოციალურ დაავადებად მოიხსენიებენ. ჯანდაცვის სამინისტრო ამ საკითხს ძალიან ფრთხილად უნდა მიუდგეს. პრობლემა მართლაც ნიტრატების მაღალი შემცველობა არ არის. დაბინძურებულია ჰაერი და არა ერთხელ დადასტურდა, რომ ჰაერში დღია ტყვიის შემცველობა მანქანების გამოწვევით შედეგად.

ამიტომ, რომ ხეხილის ბაღების გაშენება რეკომენდებულია მანქანის სავალი ნაწილიდან 300 მეტრის რადიუსით. ჩვენ უნდა ვიცოდეთ, რამაა საქმე, რა პროდუქტებს მივრთმევთ და დასაშვებ ნორმას მათი დაბინძურება რამდენით აღემატება. სახელმწიფოს მხრიდან ამ პრობლემების მიმართ ზერელე დამოკიდებულებაა. ამასობაში პროვოცირება ხდება ისეთი დაავადებებისა, როგორცაა ალერგია, იმუნური სისტემის მოშლა. მსოფლიო ჯანდაცვის ორგანიზაცია მათ სოციალურად საშიშ დავადებებს უწოდებს, რადგან საკვებიდან, ჰაერიდან, არასრულფასოვანი გარემო პირობებიდან გამომდინარეობს. სახელმწიფოს, კერძოდ, ჯანდაცვის სისტემას ამ კუთხით ბევრი აქვს გასაკეთებელი", - აცხადებს ლია კვარაცხელია.

## საზამთროში ნიტრატების შემცველობა დასაშვებ სამჯერ აღემატება

სპეციალური ქიმიკატების საშუალებით 2 დღეში ამწიფებენ. ჩვენ მიერ გამოკვლეული ხილ-ბოსტნეულიდან ნიტრატების გადაჭარბებული დონა აღმოჩნდა საზამთროში, ვაშლატამაში, ატამსა და პომიდორში. ხახვი და კარტოფილი ამ თვალსაზრისით შედარებით უსაფრთხოა. ბაზარზე წარმოდგენილი პროდუქტების თითქმის ნახევარი ნიტრატების საშიშ რაოდენობას შეიცავს, საზამთრო და ვაშლატამა ქიმიკატებით არის გაჯერებული. წინა კვირას ქუთაისსა და გარდაბნის რაიონში შეგამონმეთ პროდუქტი. აბსოლუტურად ყველაგან ერთი და

# რამდენად უვნებელია თქვენი საკვები?

ბევრ ქვეყანაში სურსათის უვნებლობა სოფლის მეურნეობის პოლიტიკის მნიშვნელოვანი ასპექტი გახდა. განმარტების თანახმად, „სურსათის უვნებლობა გულისხმობს იმ პირობებსა და პრაქტიკებს, რაც ინარჩუნებს სურსათის ხარისხს და თავიდან გვარიდებს დაბინძურებას ან სურსათით გამოწვეულ დაავადებებს“, სხვა სიტყვებით რომ ვთქვათ, სურსათის უვნებლობის მიზანია, დაიცვას ადამიანების, ცხოველების, მცენარეების ჯანმრთელობა სურსათის წარმოების ყველა ეტაპზე ევროკავშირის მიერ დადგენილი „ფერმი-დან-სუფრავზე“ პრინციპის შესაბამისად.

### სურსათის უვნებლობა

#### საქართველოში

2014 წლის 27 ივნისს, საქართველომ და ევროკავშირმა ხელი მოაწერეს ასოცირების შესახებ შეთანხმებას და მის განუყოფელ ნაწილს — შეთანხმებას ღრმა და ყოვლისმომცველი თავისუფალი სავაჭრო სფეროს შესახებ. თავისუფალი ვაჭრობის ხელშეკრულებით განსაზღვრული ვალდებულებით, საქართველოს მთავრობამ შეიძლება „საქართველოს სურსათის უვნებლობის დახლოების გეგმა“ და დანერგა სურსათის უვნებლობის პირველი სტრატეგია, რომლის მიზანია, საქართველოში შემოიღოს სურსათის უვნებლობის ევროპული სტანდარტები.

ამ სტრატეგიის მიზნებისთვის, საქართველოს მთავრობამ დიდი ძალისხმევა გაწია, რომ მნიშვნელოვანი ცვლილებები შეეტანა სურსათის უვნებლობის რეგულაციებში. ევროკავშირის სურსათის უვნებლობის პოლიტიკის შესაბამისად, ქვეყანამ მიიღო სურსათის/ცხოველის საკვების, ვეტერინარიისა და მცენარეთა დაცვის კოდექსი:

„ამ კოდექსის მიზანია ადამიანის სიცოცხლისა და ჯანმრთელობის, მომხმარებელთა ინტერესების, ცხოველთა ჯანმრთელობისა და კეთილდღეობის, მცენარეთა სიკვანძის დაცვა, აგრეთვე, სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებში სახელმწიფო რეგულირების ერთიანი პრინციპების განსაზღვრა და სახელმწიფო კონტროლის ეფექტიანი სისტემის ჩამოყალიბება.“

2011 წელს, სურსათის უვნებლობის ეფექტური კონტროლის შექმნის მიზნით, საქართველოს მთავრობამ ჩამოაყალიბა სურსათის ეროვნული სააგენტო. სააგენტო ატარებს ინსპექციებს (ოფიციალურ კონტროლს), რათა შეამოწმოს სურსათისა და ცხოველთა საკვების მდგომარეობის შესაბამისობა სურსათის უვნებლობის, ვეტერინარიისა და ფიტოსანიტარიის სტანდარტებთან.

სურსათის ეროვნული სააგენტო შემდეგ მექანიზმებს იყენებს: შემოწმება, მონიტორინგი, მეთავაყურება, დოკუმენტაციის შემოწმება და სინჯების აღება. სააგენტოს დაარსების შემდეგ ამ მიმართულებით თვალსაჩინოდ გაუმჯობესდა მდგომარეობა. სააგენტო

პერიოდულად აქვეყნებს ოფიციალური შემოწმების შედეგებს. გარდა ამისა, ის იძლევა ინფორმაციას საქართველოში დამზადებული ვეტერინარიატების შესახებ. სურსათის ეროვნული სააგენტო ყოველწლიურად სულ უფრო მეტ სურსათის აპლიკაციას და საკვებ ადგილს უტარებს შემოწმებას.

2016 წელს, სურსათის სააგენტომ შეამოწმა:

- 160 სასაკლაო
- 280 ხორციის მწარმოებელი/რეალიზატორი ობიექტი
- 140 რძის და რძის პროდუქტების საწარმო
- 774 საკვების დანესებულება და 51 „საშაუმი“ (სწრაფი-კვების ობიექტი, სადაც შაურ-მის შექმნა შეიძლება)
- 929 ბაღის და 297 სკოლის სამზარეულო
- 153 სურის ქარხანა და 254 საცხობი, 88 საკონდიტრო
- 1680 სუპერ და მინი მარკეტი

სურსათის ეროვნული სააგენტო ატარებს დაუფლებებ შემოწმებას, როდესაც შედის საშიში ვარი მომხმარებლებისგან. გარდა ამისა, **www.consumer.ge** და **www.mkidveli.ge** სულ უფრო მეტად ზრუნავენ მომხმარებელთა უფლებებზე და მოთხოვნის მიხედვით ატარებენ შემოწმებებს. ევროპის ფონდმა ანდროიდებისთვის შექმნა მობილური აპლიკაცია „სურსათის უვნებლობა“, რომელიც ქართველ მომხმარებლებს საშუალებას აძლევს, გაეცნოს სურსათის სახელმწიფო შემოწმების შედეგებს.

### ზოგს სურსა არაა, ზოგს იაფი

მიუხედავად საქართველოს წინსვლისა, ჯერ კიდევ დიდი გზაა გასავლელი ევროსტანდარტებამდე. სურსათის უვნებლობა მრავალგანზომილებიანი საკითხია და თანაბრად მოითხოვს ყურადღებას მთავრობისგან, მომხმარებლისგან, ფერმერებისა და მკვლევრებისგან. საქართველოში სურსათის უვნებლობის საკითხებში უკეთ გასარკვევად, მოდით, ორი სხვადასხვა შემთხვევა განვიხილოთ:

**შეშლისგან 1:** „2 მაისს იმედის ტელევიზიამ ქართველ საზოგადოებას უჩვენა შემამფრთხილებელი ვიდეო. სატელევიზიო არხმა ჟურნალისტური გამოძიება ჩაატარა თბილისის რესტორნებში: ჟურნალისტმა მიღიდა კონკრეტულ რესტორნებში, რომლებიც, ძირითადად, მდებარეობს თბილისის პრესტიჟულ უბნებში და ითხოვდა საშუალოს (მიმტანის, მცხოვრების, დამლაგებლის). მას შემდეგ, რაც მიიღო საშუალო, ფარული კამერით ჩაიწერა ერთ-ერთი რესტორნის სამზარეულოში არსებული მდგომარეობა. ვიდეო მოკლემომგვრელი იყო: სიტყვა „სიბინძურე“, რომელიც სუსტი განათების ფონზე კი თვალსაჩინო იყო (თითქმის კარგ მზარეულს არ სჭირდება განათება საჭმლის დამზადებისას) არ არის საკმარისი იმის ასაღწერად, რაც მკვლევრებმა იხილა. საკითხავია არამხოლოდ ის, თუ რა ხდება სამზარეულო-

ში, როდესაც „დიდი ძმა არ უყურებს“, არამედ ისიც, თუ რატომ არ მოხდენს ეს პოპულარული რესტორნები სურსათის ეროვნული სააგენტოს მიერ შემოწმებული საკვები ადგილების სიაში (შეგასწავლოთ, რომ ჟურნალისტმა გამოძიება ჩაატარა თბილისის ყველაზე პრესტიჟული უბნების რესტორნებში). როგორც ჩანს, შემთხვევითი შერჩევით შემოწმება ყოველთვის არ ამართლებს. ზოგიერთმა მომხმარებელმა ამოიცნო თავიანთი საყვარელი ადგილი და სურსათის ეროვნულ სააგენტოს მისთვის, შეემოწმებინა რესტორანი. რა თქმა უნდა, რესტორანი დახურეს. ამ ამბის ყველაზე მოკისმოძგრელი ასპექტი ისაა, რომ ზოგიერთს სურდა, არ დაეხურათ ეს რესტორანი მას შემდეგ, რაც რესტორნის მფლობელი გულისამაჩუყებელი სიტყვით გამოვიდა ტელევიზიით და დაიჩივლა, რომ არ აქვს რემონტის ფული. მოკლედ რომ ვთქვათ, ქართველი მომხმარებლების ნაწილმა არც სურსათის უვნებლობის სტანდარტები იცის და არც დიდად ადარდებს ეს საკითხი: ზოგს სუფთა ურჩევნია, ზოგს კი — იაფი.

**შეშლისგან 2:** რამდენიმე კვირის წინ ჩემი მეგობარი ექსტრემარ მის საყვარელ ადგილს თბილისში, რომ გემრიელი ფუნჯულა („პონჩიკი“) ეჭმა. დიდი ხნის მცდელობის შემდეგ მოახერხა, რომ ფუნჯულა გაეჭრა და ბოლოს აღმოაჩინა, რომ ამ ხნის განმავლობაში კრემში მოხვედრილი რეზინის ნარჩენის გაჭრას ცდილობდა. ბოდიშის მოხდის ნაცვლად მიმტანმა სიცილი დაიწყო. როგორც გაირკვა, მზარეულს რეზინის ხელთათმინის ერთი თითი ფუნჯულაში დარჩა. ჩემი მეგობარი არ თვლიდა, რომ ამ რესტორანში სანიტარული ნორმები ირღვეოდა (სამზარეულო ღია), მაგრამ მან მაინც მოითხოვა შემოწმება. შედეგებმა გამოავლინა, რომ სამზარეულოში ყველაფერი სტანდარტების შესაბამისი იყო: საკვები თავის მოწოდებას და არც სიბინძურე იყო, მზარეულმა იცოდა, ვინ იყვნენ პროდუქტის მომწოდებლები. ამ ამბის მორალი? სურსათის შემოწმება კარგია, მაგრამ შეცდომები აქაც ხდება: თუ რეზინის ნარჩენები თვალისთვის შეუმჩნეველია, შესაძლოა, მომხმარებელმა გადაყლაპოს.

თუმცა არც ევროკავშირშია მუდამ გარანტირებული სურსათის უვნებლობა (მაგალითად, ცხენის ხორციის სკანდალი 2013 წელს). მაგრამ ევროპული მომხმარებლებისგან განსხვავებით, ქართველებს არ უნდათ სურსათის მომსახურებაზე პრეტენზიის გამოთქმა; მომხმარებელთა გამოკითხვის მიხედვით, რესპონდენტების 69.4% არ რეაგირებს და არც ასაჩივრებს სურსათის უვნებლობის სტანდარტების დარღვევას. ამის მთავარ მიზეზად ასახელებენ იმას, რომ არ აქვთ იმედი, რომ ამით რაიმე შეიცვლება. პრობლემა მაინცნებს მომხმარებელთა ორგანიზაციების სისუსტესა ან სათანადო მომსახურების მიწოდების დაბალ კულტურაზე.

# მკვლელი სანელებლები

საქართველოს სურსათის ეროვნული სააგენტოს ინფორმაციით, სხვადასხვა სახეობის სუნელ-სანელებლის 75 ნიმუშიდან აკრედიტირებულ ლაბორატორიაში 25 უკვე გამოკვლეულია. კვლევის შედეგად, დადგენილი ნორმის ზღვარს ზემოთ ტყვიის შემცველობა 4 ნიმუშში გამოვლინდა.

მოქმედი კანონმდებლობით ტყვიის შემცველობა სანელებლებში 5 მილიგრამს არ უნდა აღემატებოდეს კილოგრამში.

ჩატარებული კვლევით, ტყვიის დამზადებულ მალალი შემცველობა გამოვლინდა შემდეგ სუნელ-სანელებლებში: ნითელი წინაკა - 7,06მგ/კგ; მშრალი აჯიკა - 6,38მგ/კგ; მშრალი აჯიკა - 5,96მგ/კგ; სუნელი - 5,60მგ/კგ.

ლაბორატორიული კვლევის მიზნით, ნიმუშების აღება მოხდა როგორც მსხვილი, ასევე მცირე სარეალიზაციო ობიექტებიდან, მათ შორის აგრარული ბაზრებიდან.

სააგენტოს განცხადებით, გამოვლენილ დარღვევებთან დაკავშირებით გატარდება კანონმდებლობით გათვალისწინებული ღონისძიებები, რაც სარეალიზაციო ბაზრიდან პროდუქტის ამოღებას ითვალისწინებს. ტყვიის ადამიანის ორგანიზმის თითქმის ყველა სისტემის დაზიანება შეუძლია. ჯანდაცვის რამდენიმე ნაშრომში ორგანიზაცია ტყვიას კანცეროგენული, ანუ კიბოს პოტენციურად გამოწვევი ნივთიერების კლასიფიკაციას აძლევს.

საქართველოს სოფლის მეურნეობის სამინისტროს სურსათის ეროვნულმა სააგენტომ ქართულ სანელებლებში ტყვიის მაღალი შემცველობის აღმოჩენის თაობაზე პირველად შეტყობინება 2015 წელს, ამერიკის შეერთებულ შტატებში საქართველოს საკონსულოდან მიიღო. საკონსულოს ქართულ სანელებლებში ტყვიის საგანგაშო დონის აღმოჩენის თაობაზე ნიუ-იორკის ჯანმრთელობის დაცვის დეპარტამენტმა შეატყობინა.

ნიუ-იორკის ჯანდაცვის დეპარტამენტი მომხმარებლებს აფრთხილებს, რომ საქართველოში და მზადებულ ზოგიერთ სანელებელს ტყვიის მაღალი შემცველობა აქვს. სპეციალისტების განცხადებით, ტყვიის მაღალი შემცველობის სანელებლებით მომზადებული საკვების მიღებამ შესაძლოა ჯანმრთელობის პრობლემები გამოიწვიოს.

ტოქსიკური ლითონის მაღალი შემცველობის ქართულ სანელებლებს შორის ჯანდაცვის დეპარტამენტის მიერ დასახელებულია: ყვითელი ყვავილი, ზაფრანა; სვანური მარლი; ხმელი სუნელი, ან ხარჩოს სუნელი; მწარე წინაკა, დაფქვილი ჩილი, წინაკა, დაფქვილი კერი, კოჭა, ქინძი და კვლიავი; ქართული მარლი, ან სვანური მარლი; უცხო სუნელი, ან შამბალა; მშრალი აჯიკა; საცივის სუნელი.

ქართულ მედიამ ამ ინფორმაციის გავრცელების შემდეგ, საქართველოს სურსათის ეროვნული სააგენტო აცხადებდა, რომ ქართულ სუნელზე არანაირი შეზღუდვა არ მოქმედებდა და სააგენტო მუდმივად აწარმოებდა მონიტორინგს და ლაბორატორიულ კვლევას.

# ფერმაში მკვდარი ახალშობილი იპოვეს

დედოფლისწყაროს მუნიციპალიტეტის სოფელ გამარჯვებასთან მდებარე ერთერთ ფერმაში მკვდარი ახალშობილი თეთრულში გახვეული და დამალული ნახეს. ბავშვის მამა, აზარხან კახრამანოვი ამბობს, რომ საქონელს მწყემსავდა, მეუღლის მშობიარობის შესახებ კი არაფერი იცოდა. მშობიარე დედოფლისწყაროს საავადმყოფოში გადაიყვანეს, თუმცა, მალე გაიკვავა, რომ ქალმა ახალშობილი სახლში დამალა. მეუღლე დაბრუნდა და საქმეში პოლიცია ჩაერთო. ამ დრომდე უცნობია, ბავშვი გარდაცვლილი დაიბადა, თუ შემდეგ დაიღუპა. შსს-მ გამოიძიება 112-ე მუხლით დაიწყო, რაც გულისხმობს დედის მიერ ახალშობილის განზრახ მკვლელობას მშობიარობისას, ან უმალვე, მშობიარობის შემდეგ. დასახელებული მუხლის მიხედვით ირკვევა, რომ საქმეში ეჭვმიტანილი ბავშვის დედა ნიარ კახრამანოვაა. ქალი მშობიარობისას სახლში მარტო იმყოფებოდა. შინაგან საქმეთა სამინისტროს ინფორმაციით, ქმედება ისევბა თავისუფლების აღკვეთით ვადით სამიდან ხუთ წლამდე ვადით. ახალშობილის გვამს ექსპერტიზა გურჯაანში ჩაუტარდა.

დედოფლისწყაროს საავადმყოფოში ამბობენ, რომ მშობიარე მათთან აღრიცხვაზე აყვანილი არ ყოფილა, შესაბამისად, მანამდე ორსულობა რამდენად კარგად მიმდინარეობდა, ან რა ვადის იყო, მათთვის უცნობია.

„ეს ქალბატონი მანამდე ჩვენთან აღრიცხვაზე არ ყოფილა, შესაბამისად მისი რეალური მონაცემები ჩვენთვის უცნობია. მშობიარე სტაციონარში რომ შემოვიდა, მისივე განცხადებით, 37 კვირის ორსული

იყო. აცხადებდა, რომ ნაყოფი მკვდრად-შობილი დაიბადა. შემოყვანისას ორსულობა კიდევ არ იყო დასრულებული. მე-დუერსონალი ჩაერია და აქ დავასრულეთ მშობიარობის პროცესი. პაციენტის მდგომარეობა დამაკმაყოფილებელი იყო და რამდენიმე დღის განმავლობაში სტაციონარში დარჩა,“ — ამბობს საავადმყოფოს მორიგე მედდა თინათინ ტოკლიკიშვილი.

ვინაიდან საქმეში მთავარ ეჭვმიტანილად სწორედ მშობიარე სახელდება, გაზეთი „შირაქი“ პაციენტის მონახულებას დედოფლისწყაროს საავადმყოფოში შეეცადა, თუმცა პერსონალმა მასთან შესვლის ნებართვა არ მოგვცა. როგორც გაიკვავა, არც თავად ნიარ კახრამანოვას ჰქონდა ჟურნალისტებთან შეხვედრისა და მომხდარის დეტალებზე ღიად საუბრის სურვილი.

მშობიარობის მოლოდინი ოჯახს არ ჰქონდა, უფრო მეტიც, კახრამანოვების 21 წლის ვაჟი ამბობს, რომ დედის ორსულობის შესახებ არაფერი იცოდა.

„უცხმიმდე იყო, მაგრამ არ ვიცოდი თუ იმშობიარებდა. დილით ზემოთ წავედი, გორაზე საქონელს ვმწყემსავდი. ცოლმა დამირეკა, წამოდი საავადმყოფოში ნამიყვანე, ძალიან ცუდად ვარო. გამოვიქეცი და რომ მოვედი არ უთქვამს, თუ სახლში ბავშვი იყო დამალული, ალბათ ჩემი შეშინდა და დაიბნა. არც ის ვიცოდი, რომ იმშობიარა. როცა საავადმყოფოში მივიყვანე, ექიმები გამოვიდნენ და მათ მითხრეს, რომ ბავშვი დაიბადა და სახლში არისო. გამიკვირდა, რას ამბობს, რა ბავშვი-მეთქი. შემდეგ უკვე საავადმყოფოდან ფერმაში წა-



მოვედი, ბავშვი უნდა წამომეყვანა, მაგრამ პოლიცია მოვიდა და არ წამომავყვანინეს. აქ ძალიან ბევრი პოლიციელი მოვიდა. შემდეგ მითხრეს, რომ ჩემი სისხლის ანალიზიც უნდა აიღონ, მეუღლისაც, ფერმის პატრონისაც, რადგან ასე დაადგინონ ვის ეკუთვნოდა ბავშვი. ეს ჩემთვის ძალიან დიდი შეურაცხყოფა იყო, როგორ შეიძლება ეს კითხვა დაესვათ,“ — აღნიშნავს ეჭვმიტანილის მეუღლე.

„მე არ ვიცოდი, დედაჩემი ორსულად რომ იყო. ვიცი, რომ პერიოდულად ავადმყოფობს ხოლმე, გულიც აწუხებდა, მაგრამ მშობიარობაზე არ ვიცოდი. იმ დღით გავიგე, როცა დედაჩემი საავადმყოფოში დაანვინეს და მამაჩემმა პოლიციას დააბარა, მე მივსულიყავი და თარგმნაში დავხმარებოდი. ამ დროს მძღოლმა მომიყვანა, რომ ესეთი ამბავი იყო. მერე ღამით, 2, თუ 3 საათზე პოლიციამ წამიყვანა. ექსპერტები მოვიდნენ სახლში და ყველაფერი დაათვალიერეს, გამოიკვლიეს,“ — ამბობს ეჭვმიტანილის ვაჟი, შაფხან კახრამანოვი.

გაზეთი „შირაქი“ დედოფლისწყაროს საავადმყოფოში ეზომი კახრამანოვების ოჯახის ნათესავებსაც შეხვდა, რომლებიც დეტალებში გარკვევას ცდილობდნენ და მშობიარის ჯანმრთელობის მდგომარეობით ინტერესდებოდნენ. მათ მედიაში

გავრცელებულ ვერსიებზე ვესაუბრეთ. ახლობლები გამოიხატავენ დედის მიერ ახალშობილის მკვლელობის ფაქტს და ამბობენ, რომ „ეს ამბავი არ ვიცოდი, შემთხვევით მივედი მაგათ ფერმაში. კაცი მარტო იყო, შემომჩვილა, ჩემი ცოლი საავადმყოფოში წაიყვანეს, ბიჭი პოლიციშია და მე მარტო ვარო. არ ვიცი, ქალს რა დაემართა, მუცელი მოეშალა, თუ რა მოხდაო. ცოლ-ქმარს შორის არავითარი ჩხუბი, არავითარი კონფლიქტი არ არსებობდა, სულ კარგად არიან. სამი შვილი ჰყავთ, ისინი დიდები არიან, ორი მათგანი თურქეთშია, რამდენი წელია, იქ მუშაობენ. დედამ მოკლაო რომ ამბობენ, ასეთი რამე გამორიცხულია, შვილს ვინ მოკლავს? მაშინ არანორმალური უნდა იყოს ადამიანი. შეიძლება მუცელი მოეშალა, ეს ქალი ფერმაში მძიმე სამუშაოს ასრულებს, ძროხებსაც წველის, საქონელს უვლის, მძიმეს ეზიდება“... — ამბობს კახრამანოვების ახლობელი ისმაილ გარაევი.

დაუდასტურდება თუ არა მშობიარეს გამოძიების მიერ შერჩეული მუხლი, საკუთარი შვილის მკვლელობა, ეს რამდენიმე კვირაში, ექსპერტიზის დასკვნით გახდება ცნობილი.

ილია მარტყოფლიშვილი



## „ბიჭებს მთელი სხეული დაცხრილული აქვთ“ – კრიმინალური ბარჩივა და მოკლული მოზა?!

ოზურგეთში ორი ახალგაზრდა, სიმ-ცოლისძა: დიმა ომორჯინაძე და გურამ ფოცხიშვილი, ამ უანასაქალის მანქანაში, ჩაცხრილულ. შიდაპარ ორივე ადგილზე გარდაიცვალა. გამოძიება ფაქტზე სისხლის სამართლის კოდექსის 109-ე მუხლით აღიძრა, რაც ღამამიძიებელ გარემოებაში ჩაღენილ მკვლელობას გულისხმობს.

„ოზურგეთელ ბიჭს ვიცნობდი ერთს. დიმა ერქვა. ფაქტობრივად, ერთად გავიზარდეთ, თუმცა პატარა იყო ჩემზე. სემინარიიდან საზაფხულო არდადეგების პრაქტიკებზე რომ გვანანილებდნენ სტუდენტებს, მე გურამს ვირჩევდი ხოლმე, მეუფე იოსებთან მივდიოდი ოზურგეთში. იქ გავიცანი და ერთად ვსტიქროსობდით. მეუფე იოსებთან მსახურობდა საკათედროში. დედით და მამით ობოლი იყო. 5 წლის იყო, მგონი, როცა დაობდა. მეუფემ იშვილა და გაზარდა, მერე სახლი უყიდა ოზურგეთში და დაოჯახდა კიდევ. ცოლისძმა კრიმინალური სამყაროს წარმომადგენელი იყო, რომელიც დღეს მანქანაში ჩაცხრილეს ოზურგეთის ცენტრში და დიმაც ზედ მიაყოლეს, რადგან იქ იყო. მონმე მოიშორეს. პატიოსანი ადამიანი მოკლეს მხოლოდ იმის გამო, რომ ფაქტს შეესწრო. ცოლი და 3 წლის შვილი დარჩა“, — დაწერა ლტოლვილთა და განსახლების ექსპრინისტრმა კობა სუბელიანმა.

დიმა ომორჯინაძე რომ შემთხვევითი მსხვერპლია და მისი სახით მონმე მოიშორეს, ამას ამბობს ჩვენი რესპოდენტიც, რომელის ვინაობასაც, მისივე თხოვნით, არ ვსაჯაროებთ.

საყვარელი ბიჭი იყო დიმა... როგორც ვიცი, წლების წინ მამა ვასილმა იპოვა 5 წლის მძიერი

ბავშვი ქუჩაში და თავისთან წაიყვანა. მერე მეუფე იოსებმა ნახა, მის სუფთა თვალებს ენდო, სამთავროში გადაიყვანა და იქ ზრდიდა. კარგი ბიჭი დადგა, თბილი, გულისხმიერი... წერენ, მეუფის მძღოლი იყო, ოფიციალურად მეუფეს მძღოლი არ ჰყავს, მაგრამ დიმას მეუფე და ეკლესია უყვარდა და ყველა საქმეში ეხმარებოდა. დრო და დრო მის მანქანასაც მართავდა. ერთი პერიოდ დიმა, ცოლთან ერთად, საბერძნეთში იყო წასული, იქ და ჰყავს, მასთან ცხოვრობდნენ, თან საკმაოდ მძიმე შრომას ეწეოდნენ, რომ რაიმე ელემენტარული შეეძინათ ოჯახისთვის. ბიჭს ბინა მეუფემ შეუძინა, მაგრამ ოჯახს ათასი რამ სჭირდება და ცოლ-ქმარიც თავდადებით შრომობდა... საბერძნეთში ცოტა რაღაც რომ იშოვეს, მამიწვე სამშობლოში დაბრუნდნენ. ნეტავ სულ არ ჩაბოლუიყვნენ, აი, რა საშინელება მოხდა... საწყალი ბიჭებს მთელი სხეული დაცხრილული აქვთ...“

— მთორე მოკლული მისი ცოლისძმა და საყვარელიც, სწორედ ის იყო მკვლელის სამიზნე... — გურამ ფოცხიშვილის ბაბუა, ისიც გურამ ფოცხიშვილი, კანონიერი ქურდი იყო, მამაც — დავით ფოცხიშვილი კრიმინალურ სამყაროს მიაკუთვნებდა თავს, თუმცა, ბოლოს რაღაც დაპირისპირება მოუხდა და ე.წ. ავტორიტეტებმა გარიყეს.. სხვათა შორის, ეს ამბები 90-იან

წლებში დაიწყო, როცა ოზურგეთში არჩვენების მოსაგებად ერთი ცნობილი კანონიერი ქურდი ჩამოიყვანა იმჟამინდელმა ხელისუფლებამ. გურამის მამა ამ ქურდს დაუპირისპირდა და ესროლა. მერე კი სხვა კანონიერი ქურდებთანაც ჰქონდა კონფლიქტები.

გურამი პირდაპირ განწირული იყო ამ სამყაროსთვის — ბაბუასა და მამის კვალზე ისიც კრიმინალი გახდა, თუმცა კრიმინალური სამყაროს რიგ წარმომადგენლებთან მასაც საკმაოდ მძიმე დაპირისპირება ჰქონდა, ამასობაში დააპატიმრეს და სიკვდილს გადაარჩა. მაგრამ კრიმინალურმა პატიება არ იცინა, ადრე თუ გვიან შურს იძიებენ და ამ შემთხვევაშიც, საყვარელიც, ასე მოხდა. როგორც ვიცი, ციხეშიც სცადეს მისი მოკვლა, იქ მაკრტლით დაჭრეს, მაგრამ გადაარჩა.

— გურამი რის გამო დააპატიმრეს? — 2006 წელს იარაღის უკანონო შენახვისა და პოლიციის წინააღმდეგობის განცხადების დააპატიმრეს. 25 წელიწადი ჰქონდა მისჯილი. მაგრამ 2013 წელს შეიწყალეს და გამოვიდა. მას შემდეგ მინ იყო, მაგრამ, როგორც ჩანს, უთვალთვალებდნენ, შესაფერისი მომენტი იპოვეს და... ამბობენ, რომ სათევზაოდ მიდიოდა და თან დის ქმარიც წაიყვანა. როგორც ეტყობა, მანქანაში დაურეკეს და შეხვედრა სთხოვეს, ისიც სათევზაოდ ეკი არა, სულ სხვა მიმართულებით წავიდა, სადაც დის ქმართან ერთად მანქანაში ჩაცხრილეს.



## თელავის საკრებულოს წევრი ქრთამის აღების ბრალდებით დააკავეს



თვითმმართველი თემის თელავის მუნიციპალიტეტის საკრებულოს წევრი ზაზა ზაზაშვილი ქრთამის აღების ბრალდებით დააკავეს. სოფელ რუისპირის მაჟორიტარი დეპუტატი სახელმწიფო უსაფრთხოების სააგენტოს თანამშრომლებმა დღეს საკრებულოს შენობაში აიყვანეს.

წინასწარი ინფორმაციით, გამოიძიება მას ქრთამის სახით 15 ათასი ლარის აღებას ედავება. ზაზაშვილი უცხო ქვეყნის მოქალაქეს მინის შექენაში დახმარებას ჰპირდებოდა. ზაზაშვილის დაკავებას თელავის თემის მუნიციპალიტეტის საკრებულოს თავმჯდომარე პაატა გიორგობიანი ადასტურებს.

„ზაზაშვილი საკრებულოში ფრაქცია „დეპუტატების“ წევრი იყო. 2014 წლის 2 აგვისტოდან ორი წლის განმავლობაში ხელმძღვანელობდა საკუთრების უფლების აღარებაზე უფლებამოსილ კომისიას. 2010-2014 წლებშიც ზაზა ზაზაშვილი თელავის მუნიციპალიტეტის საკრებულოს წევრი იყო და სივრცით-ტერიტორიული დაგეგმარებისა და ინფრასტრუქტურის კომისიის თავმჯდომარედ მუშაობდა.“

ილია მარტყოფლიშვილი



## უკანონო თევზჭერა ალაზანზე

გარემოსდაცვითი ზედამხედველობის დეპარტამენტის კახეთის რეგიონული სამმართველოს თანამშრომლებმა თევზჭერის წესების დარღვევის 4 ფაქტი გამოავლინეს.

დედოფლისწყაროს მუნიციპალიტეტში, მდინარე ალაზანზე და საგარეჯოს მუნიციპალიტეტში, მდინარე იორზე, მოქალაქეები, აკრძალულ დროსა და ადგილზე, აკრძალული საშუალებებით — სახლართი ზადით, ე.წ. „ეკრანითა“ და კუსტარულად დამზადებული თევზმახით, ე.წ. „ვენტერით“ ახდენდნენ უკანონო თევზჭერას.

ფაქტი შეიცავს სისხლის სამართლის კოდექსით გათვალისწინებული დანაშაულის ნიშნებს. მასალები, შემდგომი რეაგირებისთვის, შესაბამის საგამოძიებო ორგანოს გადაეგზავნება.

ამას გარდა, სიღნაღისა და ახმეტის მუნიციპალიტეტებში, მდინარე ალაზანზე, მოქალაქე-

ბი თევზაობდნენ კუსტარულად დამზადებული თევზმახით — ე.წ. „ვენტერითა“ და მოსასამელო ზადით, რომელთა ზომები არ შეესაბამებოდა საქართველოს მთავრობის 2013 წლის 31 დეკემბრის №423 დადგენილებით დამტკიცებულ „თევზჭერისა და თევზის მარაგის დაცვის ტექნიკურ რეგლამენტით“ გათვალისწინებულ მოთხოვნებს. ამ შემთხვევაშიც შედგა შესაბამისი ოქმები. მასალები, შემდგომი რეაგირებისთვის შესაბამის რაიონულ სასამართლოს გადაეგზავნება.

ილია მარტყოფლიშვილი

# „ერთი დღე სოფელში“ აქიმატთან ერთად

გამგებლის ინიციატივის „ერთი დღე სოფელში“ მეორე ეტაპი ამჯერად მედიკოსებთან ერთად მიმდინარეობს. გამგებელი მუნიციპალიტეტის სამსახურებთან ერთად სოფლებს სტუმრობს და მოსახლეობას მათთვის საინტერესო საკითხებზე პირადად პასუხობს. საჭიროების შემთხვევაში დაინტერესებულ მოქალაქეებს კონსულტაციას გამგებლის შესაბამისი სამსახურები უწევენ. პარალელურ რეჟიმში კი მოსახლეობას სამედიცინო მომსახურებას „ნითელი ჯვრის“ დედოფლისწყაროს ფილიალი უწევს. გამგებელი ამბობს, რომ მედიკოსების სოფლებში ჩაყვანას თავად მოსახლეობა ითხოვდა.

დაკანონება, დროულად გავიფორმოთ, რომ მშვიდად ვიყოთ და ყოველ სეზონზე შიში არ გვქონდეს,“ – აღნიშნავენ ადგილობრივები.

როგორც გამგებლის შესაბამისმა სამსახურებმა გაარკვეეს, ამ ტერიტორიაზე არსებული ვენახები არ არის რომელიმე პირზე გაფორმებული, შესაბამისად, ის, ვისაც სოფელი მფლობელად მოიაზრებს, კანონიერი პრეტენზიის წამოყენებას ვერ შეძლებს. ამდენად, ისინი, ვინც მრავალი წელია ვენახს ამუშავებენ, თავისუფლად შეძლებენ ფართის დარეგისტრირებას.

ადგილობრივებს ასევე აინტერესებდათ, როდის მოგვარდება სოფელში სასამართლო პრობლემა და ასევე, როდის დასრულდება სარწყავი სისტემების აღდგენის პროცესი, კერძოდ, როდის ამოქმედდება ახლადამუშენებული სარწყავი სადგური. მოსახლეობამ გამგებლისგან შესაბამისი პასუხები მიიღო.

„ნითელი ჯვრის“ დედოფლისწყაროს ფილიალში, რომელიც გასულ წელს გაიხსნა, აცხადებენ, რომ უფასო სამედიცინო აქციები მუნიციპალიტეტის მთელს ტერიტორიაზე ინტენსიურად ტარდება.

„სოფლებში გასვლები ძალიან ხშირად გვაქვს, ყოველთვის უფასოდ რამდენიმე უფასო აქციას ვმართავთ. მირზაანში, მაჩხანასა და ოზანში უკვე ვიყავით, ამჯერად ქვემოთ, ალაზნისპირა ზონაში ვიმყოფებით. ადგილზეც ჩავდივართ, მაგრამ პარალელურად ვაგრძელებთ დედოფლისწყაროში მომსახურებასაც, რადგან ყველა აპარატურა სოფლებში ვერ მიგვაქვს. სოფელ ფიროსმანში საკმაოდ დიდი ნაკადი მოვიდა, ფართო ინტერესი გამოიწვია ჩვენმა სტუმრობამ. ზოგადად



ამ სოფლებში ექიმი ძალიან ჭირს. ადგილზე ჰყავთ ექიმი, მაგრამ აქ შესაბამისი ინფრასტრუქტურა და აპარატურა არ გააჩნიათ, რომ სრულყოფილი მომსახურება მიიღონ. ამიტომაც გვქონდა მოლოდინი, რომ მოქალაქეთა დიდი ოდენობა მოვიდოდა. ჩვენ მზად ვიყავით ამისათვის და ყველა მათგანს კვალიფიციური და შესაბამისი მომსახურება გავუწიეთ. სამასზე მეტ პაციენტს ჩაუტარდა ექსოპიური, ფარისებრი ჯირკვლის, მუცლის ღრუს ორგანოების, კარდიოლოგიური, დიაბეტური, გინეკოლოგიური და სხვა სახის კვლევები. რაიონულ ცენტრში ამოსვლასაც ხშირად ვერ ახერხებენ, რადგან საკმაოდ დიდი მანძილია და ყველას არ შეუძლია ტრანსპორტირება. ვეცდებით, ხშირად ვესტუმროთ ასეთ პრობლემურ სოფლებს. წლის განმავლობაში სოფლებს რამდენჯერმე ვწვევით და ყველა სოფელს მოვივლით. საერთოვლად მასშტაბით მეორე რაიონია, სადაც ნითელი ჯვრის ადგილობრივ ფილიალში ასეთი უნიკალური აპარატურა გვაქვს. მოგესხნებათ, იაპონიის საელჩომ საჩუქრად გადმოგვცა და აქტიურად ვიყენებთ,“ – აღნიშნავენ „ნითელი ჯვრის“ დედოფლისწყაროს ფილიალის ხელმძღვანელი ნათელა თამაზაშვილი.

ამდენად, ამგვარი აქციები მათთვის ყველაზე მეტად მორგებული აღმოჩნდა.

„დანიშნულება მომცეს და მივდივარ, ძალიან კმაყოფილი ვარ. ექიმი კი გვყავს, მაგრამ ყველაფრის სპეციალისტი არ არის, თანაც მე ექსოპიის გადაღება მინდოდა. ადგილზე აპარატურა არ არსებობს, ვერც დედოფლისწყაროში წასვლას ვერ ვახერხებდით და რადგან დღეს ექიმები აქ ჩამოვიდნენ, ვისარგებლეთ შემთხვევით და მოვედით. ამ სოფელში, მრავალი წელია, ასეთი რამ არ ყოფილა და ყოველწლიურად რომ ჩამოვიდნენ, კარგი იქნება. ყველა გაჭირვებულია, აქ ბევრი ავადმყოფი ცხოვრობს და ყურადღება გვჭირდება. მაგრამ ახლაც მადლობლები ვართ უფასო კვლევებისთვის, ფინანსური შესაძლებლობები არ გვქონდა და ეს უფასო აქცია ძალიან დაგვეხმარა. ძალიან შორს ვცხოვრობთ, უმრავლესობას არანაირი შემოსავალი არ აქვს. სოციალურ დახმარებებს ვიღებდით, მაგრამ ისიც ბევრს მოეხსნა და ძნელია ექიმთან წახვიდე. 10 ლარი მაინც უნდა, რომ დედოფლისწყაროში წახვიდე. ამბულატორია არ არის გახსნილი და მხოლოდ ექიმმა რა უნდა გააკეთოს (ცარიელი ხელებით, ავადმყოფს როგორ უშველის,“ – აღნიშნავენ ფიროსმანის მაცხოვრებლები.

მსგავსი შეხვედრები მომავალი კვირიდან სხვა სოფლებში გაგრძელდება. დაინტერესებულ მოქალაქეებს თარიღის დადგენა თავისივე სოფლის რწმუნებულთან შეუძლიათ.

ილია მარტყოფლიშვილი

სოფელ ფიროსმანში ადგილობრივების ნაწილმა გამგებლის წინაშე დააყენა ვენახების საკითხი. როგორც სოფლის მაცხოვრებლები ამბობენ, მათი ნაწილი ვენახებს ამუშავებს, თუმცა გაფორმებული არ აქვთ. რამდენიმე წლის წინ კი ფართობს სხვა დაეპატრონა. მათი განცხადებით, ამჯერად მოსავალს უფლიან და კრეფენ, თუმცა ყოფილა შემთხვევები, როდესაც ძველი მეპატრონე მოსულა და მოსავლის დაკრეფა ძალის გამოყენებით თავად მოუთხოვია.

„ამჯერად კი ვუვლით, მაგრამ გაურკვეველი მომავალი გვაქვს, არ ვიცით, ასე როდემდე ვაგრძელებთ და მშვიდად ვერ ვართ. ხომ შეიძლება, ერთხელაც მოგვედაონ და დაგვარგოთ. გამგებელთან ამიტომ მოვედით, რომ გავერკვეთ სიტუაციაში. თუ გაფორმება და




## ს ი კ მ თ ი ს კ ა ლ ა

ვაგრძელებთ მოსწავლე-ახალგაზრდობის სახლში გამართული ინტელექტუალური კონკურსის „ზღაპარ იყო“ გამარჯვებული მოსწავლეების ნაშუქვრების გამოქვეყნებას. ამჯერად გაზეთი „შირაქი“ გათავაზობს №1 საჯარო სკოლის მეთერთმეტე კლასის მოსწავლის, ნინო გურაშვილის ჩანახატს:

სადაც, შორეულ წარსულში, ადამიანის ხელით განდგურებულ და გაბეჩავებულ სოფელში, ერთ პატარა ფიცრულ ქოხში ცხოვრობდა ობოლი ბიჭი, რომელსაც არაფერი გააჩნდა პატარა, ზამბის გუნდასავით თეთრი ცხვირისა და დრო-ჟამისაგან გაცვეთილი, ძველი სალამურის გარდა. სახლის უკან ვინო ბლიკი მიიკლავებოდა, რომელიც ერთ-ერთ დაბერებულ, გამოფიტულ და ქერქცევილ ხის ჯირკვთან მიდიოდა. ჯირკვი შემალეებულ ადგილზე იდგა და მთელ სოფელს გადაჰყურებდა. ის იმდენად ასაკოვანი იყო, რომ მთელი სოფლის ისტორია იცოდა, ავიც და კარგიც, საკუთარი თვალით ჰქონდა ნანახი და ყურით გაგონილი. ხვედებოდა, რომ დიდი დრო აღარ ჰქონდა დარჩენილი, სიცოცხლის იმედსა და მიზანს მხოლოდ ახალი, კენჭად ამოსული, ნორჩი ყლორტი აძლევდა, ხოლო ხალისსა და სიმხნევეს მატებდა ობოლი ბიჭის დაკრული მელიოდა.

ბოდა, დროდადრო მიიბრუნდა და წყალს უსხამდა, ძალიან უყვარდა ჯირკვთან საუბარი და ისტორიების მოსმენა, მოხუცი ჯირკვიც სიამოვნებით ისმენდა სოფლის ისტორიებს და დაუზარებლად ესაუბრებოდა. უყვებოდა ზღაპრებს, უკითხავდა ლექსებს, განსაკუთრებით ხშირად ახსენებდა ხოლმე იმ ამბავს, რომ მოსახლეობა განუწყვეტლავ ჩებადა ხეებს და განიცდიდა იმას, რომ ახალი სიცოცხლის დარგვაზე არაფერი ფიქრობდა. მერე სიმღერას წაილინებდა.

ყოველი ბგერა. დილაობით ბიჭუნა, ცხვართან ერთად, იმ ხის ჯირკვთან მიდიოდა, ლაღობდა, ცხვარს გაედევნებოდა, დარბოდა, დახტოდა, მერე უამრავ ბაზუნანერას დაკრეფდა, ასევე უამრავ აუხდენელ ოცნებას და სურვილს ჩაიფიქრებდა, სულს შეუბრავედა და მოხუც ხესთან ერთად მღეროდა:



„ახლა დილაა, ღამაში დილა, და უფითელი მზეს ამოიწვერა, ვუღიმი მინდობს და ველი იმას, რომ თავს დამიკრავს ბაზუნანერა. ისიც მიდიმის და მიმდგის სალაშს, და თან მახსენებს ბაზუნანერის სურვილს, ზარამუტყვით გაჟანტა ქარმა, და ჭრულ ვეფხვებს გარშემო უფლის. მიჭეუბა ნიავს, როგორც დინებას, ერთი წამია მისი ცხოვრება, აფრინდა ცაში, დავემწვიდობე, თან გავატანე ჩემი ოცნება. ბაზუნანერა სილაღით ვინახავ იმედს, რომ ჩემს ოცნებას ის ამისრულებს. თუ გულის უნდა, მაინც ახდება, ადამიანი რასაც ისურვებს.“

მთხუც ხეს ძალიან უყვარდა ობოლი ბიჭი, მის გარდა დამლაპარაკებელიც არავინ ჰყავდა, ბიჭსაც უყვარდა მოხუცი, უვლიდა და უფრთხილდებოდა.

ერთ საღამოს, როდესაც ობოლი ბიჭუნა წყლის მოსატანად ხისკენ გაემართა, შორიდან დაინახა, როგორ სჭრიდნენ ისედაც უსიცოცხლო, განადგურებულ ჯირკვს. იმ ნამსვე დასახმარებლად გაიქცა და დაქანცულმა, სუსტმა და უსუსურმა, გოლიათივით დიდ და ძლიერ კაცებთან წინააღმდეგობის განცეცად, სწორედ ამ დროს დაუფარდა და გაუტყდა მისთვის ყველაზე სანუკვარი და ძვირფასი ნივთი, სალამური.

დიდი ხეწნა-მუდართი, შეძლო და გადააფიქრებინა ხის მოჭრა თანაოფლელ კაცებს და მიუხედავად ამ სიხარულისა, მაინც ძალიან დამწუხრებული იყო იმის გამო,


რომ სალამური გაუტყდა. მუჭამი მოიწყვია მისი ნამსხვრევები და დასტროდა მისი ცხოვრების მყარ ნაწილს, რის გარეშეც ცხოვრება უფერული და წარმოუდგენელი ეგონა. მას უყვარდა სალამური, უყვარდა დაკერა, ბიჭმა იცოდა მუსიკის ფასი, შეეხება მხოლოდ მუსიკაში ხედავდა.

ობოლი ბავშვი დამწუხრებული წავიდა სახლში, ის ღამე არ სძინებია, ერთადერთი მეგობრის ნამსხვრევები სასთუმალთან დააღაგა, თეთონ კი ცას აჰყურებდა და ფიქრობდა. დილით, ჩვეულებისამებრ, ხესთან წავიდა წყლის მოსატანად, მაგრამ იქ ის ჯირკვი აღარ იყო, მის ადგილას მოხუცი კაცი იჯდა და ხელში ეჭრა ობოლი ბიჭისთვის განუკეთონი, ჯირკვის ერთადერთი ნორჩი ყლორტისგან გამოთლილი სალამური.

მოხუცი ბრძენი ხის ჯირკვი გრძნობდა საკუთარი აღსასრულის მოახლოებას და გადანყვიტა, რაიმე ღირებულ და კეთილმოხილური დასასრული ჰქონოდა მის ამბავს. სწორედ ამიტომ სიკეთეს სიკეთითვე უპასუხა და ერთადერთი ყლორტი, რომელიც გაზაფხულში იმედისმომცემი იყო, ობოლ ბიჭს უანდერძა.

ასეა ხოლმე... სიკეთეს ვაკეთებთ ბუნებისთვის და ის ორმაგად გვიბრუნებს.

ნინო გურაშვილი  
დედოფლისწყაროს №1  
საჯარო სკოლის მეთერთმეტე  
კლასის მოსწავლე



1947 წლის ივლისი

ო შირაქში კომბაინერებმა ს. ოგბაიძემ და დ. ბაიაშვილმა ერთმანეთს გულის-ნადები გაუზიარეს და შეთანხმდნენ: - გაიგე, მტრს-ს სამი ახალი ძრავი მიუღია, ბიჭები არ ვიქნებით, თუ თითო ცალი არ დავითრეთო. კომბაინები მხოლოდ ნახევარი დღე აშუშავეს და უცაბედად ორივე კომბაინი გააჩერეს. გაიკვია რომ საკისარები ძლიერად დაეჭირათ და ამის გამო დატვირთვას ვერ გაუძლო დაიწვა და ჩაიშტერა. უფუნურ კომბაინერებს ახალი ძრავების მიღების იმედი ჰქონდათ, მაგრამ კი რაიპროკურატურამ ამ კომბაინერებს ძვრა უნდა უყოს.

1959 წლის ივლისი

ო სოფელ სამთაწყაროში აშენდა მალა-ხის ახალი შენობა. სპეციალური თა-როები და ფანჯრები ჩასმულია, თუმცა წვრილმანი დეფექტებისა და ნაკლო-ვანებების გამო მისი ექსპლუატაციაში გადაცემა არ ხდება. ეს მაშინ, როცა მალაზია წლების განმავლობაში მოთა-გეხდებოდა პატარა კერძო ბინაში, სადაც შეუძლებელია სისუფთავის დაცვა და კულტურულად ვაჭრობა.

ო ნაკლოვანებებია წითელწყაროში ღორის ხორცის წარმოებაში. ნაკის-რი 350-ის ნაცვლად 491 სული ღორი ჰყავს, მაგრამ მაინც არ შესრულებულა დედობის სულაობის გეგმა. დედობის მომვლელობა მარამ აკო-ფიანი ჯერ კიდევ სრულყოფილად ვერა ფლობს პირუტყვის მოვლის პროგრე-სულ წესებს. მისთვის უცნობია შრომის ანაზღაურების პირობები. ეს კი ანელე-ბს მის ინტერესს ნაკისრი ვალდებულე-ბის შესრულებისთვის. ღორის ხორცის წარმოების ნაკლოვანებების მიზეზად პი-რუტყვის დაბალი ჯიშობრივი შედგენი-ლობა უნდა ჩათვალოს.

ო არბოშის სასოფლო საბჭომ და-ამთავრა მასწავლებელთა საცხოვრებელი სახლის მშენებლობა და მისი გადახურვა. განსაზღვრულია ნოემბრამდე დამთავრ-დეს სახლის შეგამოწყობის სამუშაოები და იგი საექსპლუატაციოდ გადაეცეს.

ო წითელწყაროს კომკავშირელებმა აქტიური მონაწილეობა მიიღეს ჯარის შეგროვების ერთეულში. სტალინის სახ. მეტალურგიულ ქარხანას გაუგზავნეს 95,4 ტონა ლითონი. დაჯილდოვებულ იქნა წითელწყაროს რუსული საშუალო სკოლის კომკავშირის ორგანიზაცია კალათხურთის კომპლექტით, ხოლო კომკავშირის რაიკომიტეტის პირველი მდივანი შ. ცხვარაძე კარგი ხელმძღვა-ნელობისთვის დაჯილდოვებულია მაქის საათით - „პობედა“.

ო როგორც იქნა დამთავრდა სამთაწყ-აროს კლუბის შეგამოწყობის სამუ-შაოები. მაგრამ სასურავი კვლავ მოი-თხოვს შეკეთებას, სცენა მოუწყობელია და რაც მთავარია, კლუბს სკამები არა აქვს, რომ მაყურებლებმა ნორმალურად უყურონ კინოს. შემოსაღობი და მოუწყ-ობელია კლუბისა და სკოლის ეზო, დე-რფეანი დახვეწიანებულია და პირუტყვის თავშესაფარს წარმოადგენს.

1967 წლის ივლისი


ო წითელწყაროს პროკურორი, იუს-ტიციის უმცროსი მრჩეველი ფ. მო-ლოდინაშვილი იტყობინება, რომ დამით-ა. კუზნეცოვმა წითელწყაროს ქალაქის კოლპერატის №1 მალაზიიდან გაიტაცა 61 ცალი საათი, ფული და ლატარიის ბილეთები. კუზნეცოვის საქმე გააჩნია სახალხო სასამართლომ. მისამართლე აღქსანდრე სეფიაშვილმა მას 8 წლით თავისუფლების აღკვეთა მიუსაჯა.

1973 წლის ივლისი

ო სოფელ არხილოსკალოში, კიროვის სახელობის კოლმეურნეობის ყანაში ხან-ძარი გაჩნდა. შედგად ადგილი ჰქონდა მარცვლეულის ახალი მოსავლის დაღუ-პვას.

ო ზემო მაჩხანის კოლმეურნეობის მე-ქანიზატორად მუშაობს კაცი, რომელიც მეუღლეს, დარეჯან ლობჯანიძეს გაეყარა. მათ ჰყავთ მცირეფლოვანი შეილი, მა-

გრამ თავს არიდებს ალიმენტის გადახ-დას. საქმე განიხილა ონის სასამართლომ და ზემო მაჩხანის კოლმეურნეობას აცნობა, რომ უშამო ბავშვმა მიიღოს კუთვნილი ალიმენტი.



ო უკანასკნელ ხანს სახე იცვალა სო-ფელმა გამარჯვებამ, მისი ფართო მოას-ფალტებული ქუჩები კოლმეურნეთა ორსართულიანმა სახლებმა დაამშენა.

1975 წლის ივლისი

ო წითელწყაროელებმა იციან პურის ყადრი, ამიტომ იცავენ მას დატაცები-საგან და ფაფუქებისაგან. მაგრამ მაინც არის მითვისების ფაქტები. მძლოლმა ს. კობტაშვილმა სოფ. ოზაანის კოლ-მეურნეობის „მწარეწყლის“ კალოდან დაიტაცა 740 კგ ხორბლის ახალი მო-სავალი. ხოლო, შ. ჩოხელია რომელიც ზემო ქედის მარცვლეულის №3 საწ-ყობის გამგედ მუშაობდა ბოროტად გამოიყენა სამსახური და მიითვისა 2 660 კგ ჯერი. ამავე კოლმეურნეობის მძლოლმა ი. ციხიშვილმა მიითვისა 380 კგ მარცვალი. ლ. ფერხაშვილმა გორის „საქსოფლტექნიკის“ მძლოლმა, რომე-ლიც მიმდგრებული იყო ზემო მაჩხანში მარცვლეულის გადასატანად, მიითვისა 610 კგ ხორბალი. დატაცებას განაპი-რობებს კადრების შერჩევაში არსებული ნაკლოვანებები.

1982 წლის ივლისი

ო მიუხედავად ვატარებული მრავალი ღონისძიებისა, ქალაქი წყლის უკმარის-ობას განიცდის. ზოგს წვეთი წყალი ენა-ტრება, იმიტომ რომ სხვას დღეღამე ონკანი ღია აქვს და მუქთად იკარგება. არ ვცემთ პატივს საზოგადოებას, მე-ზობლებს, არ ვიცავთ ამ ქალაქის ღირ-სებას.

ო „ინაიდან კახეთში ფერადი ტელე-ვიზორების რიცხვი საგრძობლად გაი-ზარდა, მას სჭირდება სათანადო მომ-სახურება. ყველა მფლობელი ოჯახი ვალდებულია ტელევიზორი აიყვანოს საგარანტიო აღრიცხვაზე. ამის გაკეთება შესაძლებელია რაიონების ტელე ატე-ლიეებში. სავალდებულოა, საგარანტიო აღრიცხვაზე ავიდეს რადიო, ტელე და მაგნიტოფონები. ატელიეები უფასოდ აწარმოებენ შეკეთებას, - იტყობინება „საქრადიოტელემომსახურების“ თე-ლაგის სარაიონთაშორისა დირექცია.

ო რამდენიმე წელია მგზავრთა უკეთ-მომსახურების მიზნით რაიონის ცენ-ტრალურ გზებზე ავტობუსების გაჩერე-ბებზე დაიწყო მოსაცდელი ჯიხურების მშენებლობა. სამწუხაროდ ბევრ მათგანს არ ეღირსა დამთავრება. არც სკამებია მოწყობილი, არც მოასფალტებულია, ზოგან კვლევებიც შესრულია. ასეა გე-ლიქის ხეობაში, არბოშკა-ოზაანის გზის გასაყართან. სოფელ გამარჯვებასთან, მეფრინველეობის შირაქის განყოფილე-ბასთან და სხვა. საინტერესოა, როდის დააბოლოებენ ამ საქმეს?

ო ქალაქ წითელწყაროს რუსთავე-ლის ქუჩაზე ოთხ და ხუთსართულიანი შენობების ნახმარი წყლის ორმო არ სუფთავდება. ტუალეტის ნახმარი წყლე-ბი ღვარად მოედინება ილია თარაშვი-ლის და მარუსა ალუდიშვილის ეზოებ-ზე. ბინძურდება ბოსტნეული და ხილი. ღვას აუტანელი სუნი, ეს სიბინძურე შემდეგ ღიად გადმოდის სტალინის ქუ-ჩაზე ტბორდება და პირდაპირ ქალაქის საბჭოსა და აფთაიქის მიმდებარედ ქმნის ანტისანიტარიას. ვენდისპანსერის ორ-მოდან გამონადენი სიბინძურე ტბორ-დება გვერდზე მცხოვრებთან.

ო ერთ დროს ღამაში იყო ქალაქ წი-თელწყაროს ბარათაშვილის ქუჩა, მა-გრამ სილაშხე მალე დაჰკარგა. ზოგმა გაზი მოიმიზეზა, ზოგმა წყალი და თა-ვიანთ ნებაზე ათხარეს და დათხარეს მშვენიერი ქუჩა. ახლაც ყრია ნარჩენები და ხრეში. გაზი ყველას უნდა, მაგრამ გადათხრილი ქუჩების გასწორებას აგ-ვიანებენ.

(სტილი დაცულია) მოამზადა ილია მარტყოფლივილია

10 ყველაზე სწორი დარღვევა, რომელთა გამოც მძღოლებს მართვის მოწმობაზე ქულები აკლდებათ



მართვის მოწმობის 100-ქულიანი სისტემის ამოქმედებიდან 11 ივლისის ჩათვლით, საგზაო მოძრაობის წესების დარღვევისთვის საპატრულო პოლიციამ 18 403 საჯარიმო ქვითარი გამოწერა. შინაგან საქმეთა სამინისტროს ინფორმაციით, სამართალდარღვე-ვებს შორის განსაკუთრებით რამდენიმე მათგანი ჭარბობდა, რომელთა გამოც მოქა-ლაქებს 5-დან 25 ქულამდე დაკარგეს:

1. მძღოლის მიერ საგზაო ნიშნის ან მონიშვნის, ბუქსირების, გარე სანათი ხელსაწ-ყოთი, ხმოვანი სიგნალით ან საავარიო შუქსიგნალიზაციით სარგებლობის, სასწავლო სვლის, სამარშრუტო სატრანსპორტო საშუალების მოძრაობის ან/და საჭაპანო ტრანს-პორტის მართვის, ასევე მოტოციკლით ან სხვა სატრანსპორტო საშუალებით, საგზაო მოძრაობის წესების დარღვევის ან მოძრაობის უსაფრთხოებისთვის საშიშროების შე-ქმნის გამო, საპატრულო პოლიციამ 4 779 საჯარიმო ქვითარი გამოწერა. შედეგად, მძღოლებს მართვის მოწმობაზე 5 ქულა დააკლდათ;
2. ავტოსატრანსპორტო საშუალებით მოძრაობისას მძღოლის ან მგზავრის მიერ უსაფრთხოების ღვედის გამოუყენებლობის გამო 3 216 მოქალაქე დაჯარიმდა, რო-მელთაც ასევე 5 ქულა ჩამოაკლდათ;
3. ავტომობილის მართვის დროს, მძღოლის მიერ მობილური ტელეფონით სარგებ-ლობა ერთ-ერთი ყველაზე სწორი დარღვევაა და ახალი რეგულაციების ამოქმედებიდან პირველი 11 დღის განმავლობაში, ამის გამო პოლიციამ 2 568 მოქალაქე დააჯარიმა და მართვის მოწმობაზე 15 ქულა დააკლო;
4. უწყვეტი ღერძულა ხაზის გადაკვეთის გამო 2024 მოქალაქე დაჯარიმდა. მათ მართვის მოწმობაზე 10 ქულა დაკარგეს;
5. 11 დღის განმავლობაში მარეგულირებლის ან შუქნიშნის ამკრძალავ ნიშანზე გა-ვლის წესების დარღვევის 1566 ფაქტი დაფიქსირდა და ამავე რაოდენობის მოქალაქეს 15 ქულა დააკლდა;
6. საქვეითო გადასასვლელის გავლის, საგზაო ნიშნის ან გზის სავალი ნაწილის მო-ნიშვნის ხაზების, ბუქსირების, გარე სანათი ხელსაწყოთი ან ხმოვანი სიგნალით სარგე-ბლობის, სასწავლო სვლის, საცხოვრებელ ზონაში ან ავტომავისტრალზე მოძრაობის წესების დარღვევის, აგრეთვე მოტოციკლით ან სხვა სატრანსპორტო საშუალებით საგზაო მოძრაობის შეფერხების, გარდა ამისა, ამკრძალავი ნიშნის „გაჩერება აკრძა-ლულია“ და „დგომა აკრძალულია“ მოთხოვნის დაუცველობის შედეგად სატრანსპორტო საშუალების, ტვირთის, გზის, საგზაო თუ სხვა ნაგებობის, აგრეთვე სხვისი ქონების ან ადამიანის სხეულის მსუბუქი დაზიანების გამო საპატრულო პოლიციამ 807 საჯარიმო ქვითარი გამოწერა და მძღოლებს 25-25 ქულაც ჩამოაკლო.
7. გზის სავალ ნაწილზე სატრანსპორტო საშუალებათა განლაგების, მოძრაობის დანყების ან/და მანევრირების წესების დარღვევის გამო კი 654 მძღოლი დაჯარიმდა.
8. იმ ავტოსატრანსპორტო საშუალების მართვა, რომელსაც აქვს გაუმართავი სამუხრუჭე სისტემა, მისაბმელი მოწყობილობა, ფარები, უკანასაგაბარიტო ან მინის სანმენდი მექანიზმი დღე-ღამის ბნელ დროს, წვიმის ან თოვლის დროს, ან ნყობრი-დანაა გამოსული, ან თუ დარღვეულია ძრავის კვების სისტემის პერმეტულობა, ჩვენს 529 თანამოქალაქეს მართვის მოწმობის 5 ქულად დაუჯდა.
9. ისეთი ავტომობილის საშუალების მართვის გამო, რომელსაც არ გაუვლია გზის-თვის ვარგისობაზე სავალდებულო პერიოდული ტესტირება ან მესაკუთრემ სხვა მფლობელის მიერ სხვა პირისთვის ასეთი ავტოსატრანსპორტო საშუალების სამართა-ვად გადაცემის მიზნით პოლიციამ 315 საჯარიმო ქვითარი გამოწერა და მძღოლებს 15 ქულაც დააკლო.
10. მძღოლის მიერ მოძრაობის დადგენილი სიჩქარის (15 კმ/სთ-ზე მეტი სიჩქარით) გადაჭარბება, რომელსაც მოჰყვა სატრანსპორტო საშუალების, ტვირთის, გზის, საგ-ზაო თუ სხვა ნაგებობის, სხვისი ქონების ან ადამიანის სხეულის მსუბუქი დაზიანება 247 მძღოლს 10 ქულად დაუჯდა.

**მ ა კ ა ნ ს ი ა**

სსიპ ახმეტის მუნიციპალიტეტის სოფელ კასრისწყალის საჯარო სკოლის ადმინისტრაცია აცხადებს ვაკანსიას საქმისმწარმოებლის ვაკანტიურ პოზიციაზე. ასევე, ამ პოზიციაზე დასაქმებულს მიეცემა დამატებითი საგაკვეთილო საათებიც.

დამატებითი ინფორმაციისთვის დარეკეთ: ☎ 599 011 360

ელექტრონული ფოსტა: [giorgibugridze@gmail.com](mailto:giorgibugridze@gmail.com)

დედოფლისწყაროს ი. ჭავჭავაძის სახელობის მნიგნობართა და მწერალთა ასო-ციაციის წევრები თანაგრძნობას უცხადებენ ცნობილ პოეტს მარინა ცხვედიამ-ვილს და მხატვარს, სახელმწიფო პრემიის ლაურეატს ჯემალ კუხალაშვილს მამიდის რუსუდან ილიას ასულ ცხვედიანშილის გარდაცვალების გამო.

დედოფლისწყაროს ი. ჭავჭავაძის სახელო-ბის მნიგნობართა ასოციაციის წევრები: ვანო ნატროშვილი, ხათუნა აგლაძე, ნათელა თამა-ზაშვილი, დიმიტრი ყოჩიაშვილი თანაგრძნო-ბას უცხადებენ ნანა ჭიჭინაძეს მძახლის არსენ ყოჩიაშვილის გარდაცვალების გამო.

დედოფლისწყაროს მუნიციპა-ლიტეტის კულტურისა და ძეგლთა დაცვის ცენტრის თანამშრომლები თანაგრძნობას უცხადებენ ნანა ჭიჭინაძეს და მარიკა პოპიაშვილს არსენ ყოჩიაშვილის გარდაცვალების გამო.

# ლადოს პარსკვლავი

ქართველი მსოფლიო ბარიტონის ლადო ათანელის მონაწილეობით გამართული საოპერო სპექტაკლები თბილისის საოპერო სცენაზე, მუდამ დიდი ყურადღების ცენტრში ექცევა ხოლმე. ასე იყო ამჯერადაც, როცა მისი ვარსკვლავის გახსნისადმი მიძღვნილი საოპერო საღამო გაიმართა. მრავალფეროვანი რეპერტუარიდან იგი გამორჩეული პროგრამით წარსდგა ზღვა მყურებლის წინაშე. ამ დღეს - 7 ივლისს, ოპერაში მისი კოლეგების გარდა, დედაქალაქის ნარჩევი საზოგადოება შეიკრიბა.

მკითხველისთვის აუცილებლად საგულისხმო იქნება იმის გაგება, თუ ამ საღამოს რა რეპერტუარი შესთავა-



ზა მან მყურებელს. ღონ კარლოსის და ალვაროს დუეტი ჯუსზე ვერდის ოპერადან „ბედის ძალა“. მას პარტნიორობას უწევდა მოსკოვის დიდი თეატრის სოლისტი ტენორი, ამჟამად თბილისის ოპერის თეატრის სამხატვრო ხელმძღვანელი, ბრწყინვალე ადამიანი ბადრი მაისურაძე, პიეტრო მასკანის ინტერმეტო ოპერიდან „მეგობარი ფრიცი“ და ჯაკომო პუჩინის მეორე მოქმედება

ოპერიდან „ტოსკა“, რომელშიც მონაწილეობდნენ საზღვარგარეთ მოღვაწე ქართველი ოპერის სოლისტები: არმაზ დარაშვილი - კავარდოსი, ტოსკა-იანო ალიბეგაშვილი და სკარპია - ლადო ათანელი, თითოეულ არიას ხანგრძლივი აპლოდისმენტები სდევდა თან. აქვე არ შემოიძლია ხაზი არ გაუსვდა მომღერლის მაღალ მოთხოვნადობას ვერდის და პუჩინის რეპერტუარის დრამატულ როლებში, მისი მთავარი ხიბლი უაღრესად „საამოდ მოსასმენი ხმის გარდა გახლავთ ინდივიდუალიზმი და საოცარი არტისტიზმი, იგი სცენისთვის არის დაბადებული, მის რეპერტუარში ორმოცამდე საოპერო პარტიია და ყველა ერთმანეთისგან განსხვავებულია სპექტაკლის დასასრულს ბისზე შეასრულა ნიაპოლიტანური სიმღერა სიმფონიური მუსიკის თანხლებით. დირიჟორი გახლდათ ზაზა აზმაიფარაშვილი, რომელიც გამოირჩევა მაღალი საშემსრულებლო ხელოვნებით. ვერდის უვერტურის და მასკანის ინტერმეტოს საოცარი პანგები ეფინებოდა დარბაზს, თავი ზღაპრულ სამყაროში გეგონებოდათ, ამის გადმოცემა

სიტყვებით შეუძლებელია, არაერთი მსოფლიო დონის დირიჟორი მოხიბლულა თბილისის სიმფონიური ორკესტრის წევრების მიერ აუღერებელი მუსიკით. ორიოდ სიტყვით შევახსენებ ჩვენს მკითხველს, რომ 2005 წელს გამოიცა ლადო ათანელის პირველი სოლო ალბომი „საოპერო არიების“ სახელწოდებით, 2009 წელს გამოვიდა მეორე ალბომი „ბარიტონის არიები“, გამოცემულია ვერდის „ოტელო“, მასნეს-„ტაისი“ და ჩაიკოვსკის პიკის ქალი“. ასევე ლადო ათანელმა დაარსა საქველმოქმედო ფონდი „თანადგომა“, რომლის მიზანია დაეხმაროს ახალგაზრდა, ნიჭიერ ვოკალისტებს და გზა გაუკაფოს მათ საერთაშორისო სარბიელზე. 2010 წლიდან ყოველწლიურად ტარდება ლადო ათანელის სახე-

ლობის ვოკალისტა კონკურსი, რომლის ერთ-ერთი ლაურეატი გახლავთ ოპერის ახალგაზრდა მომღერალი გიორგი წამალაშვილი, რომელმაც მონაწილეობა მიიღო „წარმატებული ოჯახების“ ნომინაციაში გამართულ გალაკონცერტზე დედოფლისწყაროში და მსმენელთა დიდი მონონება დაიმსახურა.

უამრავ ვიდეოსთან ერთად ლადოს მიენიჭა შოთა რუსთაველის სახელობის სახელმწიფო პრემია და დაჯილდოვდა ოქროს მედლით, საქართველოს მწერალთა კავშირის მიერ აღიარებულია „სიკეთის რაინდად“. ამ აღიარებებს კი ლადო ათანელის ვარსკვლავიც მიემატა, რომელიც ოპერის წინ გახსნა კულტურის მინისტრმა მიხეილ გიორგაძემ, თბილისის მერმა დავით ნარმანიამ და ხელოვნების პალატის პრეზიდენტმა დავით ოქიაშვილმა, საზეიმო ცერემონიალი ფეიერვერკით დასრულდა.

ვარსკვლავის გახსნის შემდეგ კომენტარი ვთხოვე ცნობილ ადამიანებს: **მიქაე ამირანაშვილი** - „ლადო არის უდიდესი მომღერალი, არტისტი, მე ბედნიერი ვარ, რომ მასთან ერთად ვმუშაობ, იცოცხლებ! იბედნიერეთ!“ **მარინა მაჭაპარიანი-ანჯაშარიძე** - „ღირსეული მომღერლების ვარსკვლავს მიემატა კიდევ ერთი ღირსეული მსოფლიო ბარიტონი ლადო ათანელი ვარსკვლავის სახით.“

**თამარ ბუბუშვილი**: - „ძალიან კარგი მომღერალი და ძალიან კარგი ადამიანია.“

**ელდარ ბენაძე**: - „ლადო ჩემი ოჯახის წევრია, ჩემი უმცროს ძმა და მეგობარია, ვულოცავ!“

**თამარ ჩალაბაშვილი**: - „ლადო ათანელის ვარსკვლავმა მისი მასწავლებლის ნოდარ ანდლულაძის ვარსკვლავის გვერდით დაივანა, როგორც მსოფლიოს შემორჩა არისტოტელეს და ალექსანდრე მაკედონელის სახელე-



ბი, ასევე შემორჩება მსოფლიოს მათი სახელები. მე მეამაყება, რომ იგი ჩვენი მიწა-წყლის ქიზიყის შვილია, ვულოცავ ამ უმნიშვნელოვანეს დღეს!

**მისაილ გიორგაძე (კულტურის მინისტრი)**: - მინდა მივულოცო ყველას ეს მნიშვნელოვანი დღე, გადაუჭარბებლად შეიძლება ითქვას, რომ ლადო მსოფლიო მომღერალია და მას ჩვენი სახელმწიფოს ცნობადობაში განსაკუთრებული წვლილი მიუძღვის“.

ნანა ჭიჭინაძე



**გაზეთ „შირაქის“ რედაქცია, მუნიციპალიტეტის მცხოვრებთა სახელით, ამ ღირსეულ წარმატებას ულოცავს თავის სახელოვან შვილს, მსოფლიო ბარიტონს, ქველმოქმედსა და მეცენატს ლადო ათანელისვილს და კვლავც შემოქმედებით წარმატებულს ელის მისგან. ის ხომ დედოფლისწყაროს საპატიო მოქალაქედ დასახელდა და ფეხი სწორედ დედოფლისწყაროს მუსიკალურ სკოლაში აიდგა!**

**ულოცავენ!**  
**ნათელა თაბაჯანიძეს!**

ძვირფასო ნათელა, გილოცავთ შვილიშვილის - პატარა დამიანის დაბადებას. მის მშობლებს ძაღი ძაღბანიშვილს და ჯანრი თოფურიას ვუსურვებთ, ბედნიერები ყოფილიყვნენ, ოჯახის საამაყო და ქვეყნისათვის სასახელო ვაჟკაცი გაზრდილიყოს მათი შვილი. თქვენ კი გაიხარეთ თქვენს დიდ ოჯახთან ერთად. უფლის წყალობა არ მოგაკლდეთ. **პატივისცემით, საქართველოს წითელი ჯვრის საზოგადოების დედოფლისწყაროს ადგილობრივი ორგანიზაციის სააქტივო კაბინეტის თანამშრომლები.**

გილოცავთ მესამე შვილიშვილის, პატარა დამიან თოფურიას დაბადებას, გისურვებთ, სასახელო ვაჟკაცი გაზრდილიყოს, და ბედნიერ სამშობლოში ეცხოვროს!

გაზეთ „შირაქის“ რედაქციის თანამშრომლები

**ყურადღება!**

ქ. დედოფლისწყაროში, ანტონ ნატროშვილის ქუჩაზე, ახლადგახსნილ ავტოსამრეცხაოს (ახალი საავადმყოფოს მიმდებარე ტერიტორია, ავტოსერვისის გვერდით) ესაჭიროება ორი თანამშრომელი. ანაზღაურება შეთანხმებით. **მსურველები დაგვიკავშირდით: 593 27 58 97**

**ი ყ ი დ ე ბ ა !**

დედოფლისწყაროს რაიონის, სოფელ ხორნაბუჯში იყიდება სახლი ბელეგაშვი, 3 ოთახიანი, სუფთა მდგომარეობაში, ავეჯით, ბუნებრივი აირით, სარდაფით, დიდი საკარმიდამო მიწის ნაკვეთით - ფართი 3,333 კვ.მ. ნაკვეთზე, გარდა სახლისა, განლაგებულია საზაფხულო სამზარეულო, აბანო და საქათმე. სახლთან არის ტა, რომელიც ზაფხულში არ შრება. ასევე იყიდება სახნავ-სათესი ნაკვეთი შირაქში, ფართი 1 ჰექტარი. ორივე ნაკვეთი გატარებულია რეესტრში, საკადასტრო კოდები 52.06.37.039 და 52.21.31.018. სახლის და საკარმიდამო ნაკვეთის ფასი - 20,000 ლარი. სახნავ-სათესი ნაკვეთის (13ა) ფასი - 1000 ლარი. ☎ 599 551097 თინა ან 599 568567 ქეთინო.

იყიდება ერთოთახიანი სუფთა ბინა ქ. დედოფლისწყაროში, რკინის კარით, ცივი და ცხელი წყლით, კომუნიკაციებით უზრუნველყოფილი. ბინას აქვს ავტოფარები. გაყიდვის შემთხვევაში ბინაში რჩება გარკვეული ავეჯი. ფასი შეთანხმებით. მისამართი: **რუსთაველის ქუჩა №4, კორპუსი 31, ბინა 17.** ბენზინგასამართი სადგურ „სოკარის“ მოპირდაპირედ. ☎ 591 80-35-13

ქ. დედოფლისწყაროში, ხუთსართულიან კორპუსში, შერეთის ქუჩაზე (საჯარო რეესტრის მაღალ), მეორე სართულზე იყიდება სამოთახიანი, ოთხ ოთახიანად გადაკეთებული, თბილი, ნათელი, კუთხის ბინა გადღებული ლოჯიით, ორი აივნით, რამდენიმე წლის წინ ჩატარებული მაღალი დონის რემონტით, რკინის კარით, მუხის პარკეტით, ბუნხრით, გამოცვლილი კარ-ფანჯრით, ფანჯრებზე უალუზები, აივნებზე გისოსებით და სამეურნეო სათავსოებით, აბაზანა და ტუალეტი ცალ-ცალკე აღჭურვილი კაფელ-მეტლანით, შესასვლელში დამონტაჟებული კარადებით, კიბის ქვეშ სამეურნეო სათავსოთი, გაზეთ, ცხელი წყლით და ელექტროენერგიით უზრუნველყოფილი. ფასი შეთანხმებით ☎ 591-09-24-79 591-09-24-78.

ამინდი		დედოფლისწყარო		ლ ის წ ყ ა რ ო	
ორშაბათი 24.07	სამშაბათი 25.07	ოთხშაბათი 26.07	ხუთშაბათი 27.07	პარასკევი 28.07	შაბათი 29.07
დღე	ღამე	დღე	ღამე	დღე	ღამე
27°	26°	26°	25°	28°	26°
28°	26°	28°	26°	29°	27°
30°	28°	29°	27°	30°	28°
29°	27°	29°	27°	29°	27°

გამომცემელი შპს „შირაქი“ დირექტორი ინგა შიოლაშვილი რედაქტორი <b>ნაირა გორაშვილი-პოპიაშვილი</b> წერილში მოყვანილ ფაქტებსა და ციფრებს პასუხს ავებს ავტორი.	სარედაქციო კოლევია: <b>ლალი მხერინაშვილი</b> , ილია მარტყოფლიშვილი (ჟურნალისტიკა); <b>ელზა ხარაშვილი</b> (სტილისტ-მენეჯერი); <b>ნათელა ზოსტაშვილი</b> (ბუღალტერი); <b>ნინო ჰანაშვილი</b> (ოფის-მენეჯერი); <b>მზინა ქანაძე</b> (დისტრიბუტორი); <b>ზურაბ ბუნაშვილი</b> (კომპიუტერული უზრუნველყოფა). გაზეთი აიწყო და დაკაბადონდა „შირაქის“ კომპიუტერულ ზაზაზე. ყოველკვირეული გამოცემა იბეჭდება შ.პ.ს. „სამშობლოს“ სტამბაში.	რედაქციის მისამართი: ქალაქ დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 591-97-73-26 (რედაქტორი)	რეგისტრირებულია დედოფლისწყაროს რაიონის სასამართლოს მიერ, №6014-468.
-------------------------------------------------------------------------------------------------------------------------------------------------------------------	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	----------------------------------------------------------------------------------------------------------------------------------	---------------------------------------------------------------------